

D XIX a

42598/B/v¹⁷

B-R-o.-2-o

257

Quod Felix Faustumqz sis
Lei Genitali, Præsenso
Tibi Venerabilem hunc
Virum, Probum, Sapientem

opp
6/10/12

CL. QUILLETI
CALLIPÆDIA,
SEU DE
PULCHRÆ PROLIS
HABENDÆ RATIONE,
POEMA DIDACTICON.

*Cum Uno & Altero ejusdem Authoris
C A R M I N E.*

*Juxta Editionem Parisiensem, adjectis versibus
aliquot ex Lugduno-Batavâ.*

———Pulchrâ faciat te prole Parentem.



L O N D I N I,
Impensis J. Bowyer. M DCC VIII.

31153



Impensis J. Bowyer. MDCCLIII.



EMINENTISSIMO
S. R. E. PRINCIPI
CARDINALI
JULIO MAZARINO

CL. QUILLETUS ABB. D. S.



DIU multúmque cogi-
tavi (CARDINALIS
EMINENTISSIME)
prudentís-ne animi fo-
ret, hujus Poëmatis editionem,
sub sacri tui Nominis auspicio,
moliri. Ab hoc proposito me

E P I S T O L A.

deterrebat tenerioris, nec abundè gravis, ut multi ex prima fronte censebant, Argumenti conditio; cujus tractationem oculis tuis objicere piaculum potius esset, quàm deditæ menti congruum, tuæque dignitati conveniens obsequium. Ecquis enim (inquiiebant illi) hominem vanum & in publica commoda peccantem non arguat, qui summum Gallici Imperii Administrum, ad ludicræ minúsque seriæ Callipædiæ lectionem abducatur? Omnem tamen ex animo scrupulum, aliæ si non omnibus acceptæ, mihi certè potissimæ rationes exemerunt. Hoc Poëma, Romæ, in tuo natali solo, inceptum; Lutetiæ, in amplissimo

E P I S T O L A.

mo tuæ Virtutis & Gloriæ theatro affectum, & numeris absolutum suis, tuo Nomini nuncupari gestiebat. Sic divini Maronis opus Georgicon, cujus exemplar & ideam, longo quamvis intervallo, assequi conatus sum, C. Cilnio Meccoenati, totius Imperii Romani, ipsiúsque Augusti Imperatoris Administro, inscriptum quondam fuit ; ipsique non modò Poëtæ, sed & ipsius Poëmatis fautori & Patrono, æternum apud Posteror nomen decúsque comparavit. Equidem Callipædica hæc Georgicis conferre non ausim,

-----*Sic parvis componere magna
puderet.*

E P I S T O L A.

Attamen (absit dicto invidia) nostri hujus qualiscúmque operis Argumentum, Virgiliano antecellere audacter asseverem. Enimverò quis segetes etiamsi lætas, lætis thalamis; Ulmis adjunctas vites, Sponsis ad Pulchram sobolem delectis; boum curam, habendique pecoris cultum, ipsius Hominis coalescentis, nascentis & adolescentis curæ præponat, nisi malus rerum æstimator haberi non erubescat? Sed & illa nobilis, virisque ingenuis adeo digna Uranoscopia, in nostro non secùs ac in Georgico Carmine, suum sibi locum vendicat, dum quo fidere Pulchra proles utero concipiat, accuratè & forsàn non illepide canimus. His liceat addere

rati-

E P I S T O L A.

rationem, quæ Carmen hoc nostrum Regibus etiam, Regnorumque moderatoribus seriò commendet. Quum enim ipsorum imperium, imperiique moderamen, non in segetes aut pecora, sed in ipsos Homines proprio & convenienti modo procedat; quis hæc nostra de Humanæ pulchræque prolis habendæ ratione Præcepta, ad Regnorum decus roburque conducere, SALICISQUE etiam Legibus adjungenda esse non concedat?

Accipe ergo (CARDINALIS EMINENTISSIME) hunc genuinum animi nostri fœtum; si non formæ venustate, materiæ saltem dignitate commendabilem;

EPISTOLA.

— & jam nunc votis assuesce
vocari.

Hic sanè opus esset, ut ad tam eximium Argumentum egregiè & appositè tractandum, eximios quoque spiritus, versúsque non publici saporis afferrem: sed quamvis id, pro ingenii modulo, præstare nequeam; Tu tamen ipsius Mecænatís erga me partes implere ne dedigneris. Hunc, ut rerum Imperii gerendarum solertiâ, cæterisque tum Belli tum Pacis Artibus imprimè vincis; ita & ejusdem comitatem, lenitatem, & in politionis litteraturæ cultores effusum amorem, te non solùm imitari, sed

EPISTOLA.

sed & superare par est, tuíque
Animi magnitudini consentane-
um. Vale, & me tibi addictis-
simum novâ benevolentiaâ prose-
quere.



Typo-

THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF LONDON
1889



THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF LONDON
1889



Typographus Lectori.



N alteram (LECTOR BE-
NEVOLE) *Callipædiæ*, hoc
est, lepidi de Pulchræ pro-
lis habendæ ratione, Po-
ëmatis Editionem, au-
ctam, recognitam, & ipsius auctoris
menti verè consentaneam. Quæ, duo-
bus abhinc circiter annis, sub fictitio
Calvidii Leti nomine, Lugduni Bata-
vorum typis excusa prodiit, pluribus non
modò erroribus, sed & sententiis disso-
nis inspersa, mirum est quantum hujus
fœtus genuino Parenti displicuerit. Hic,
quo inscio, opus immaturum in lucem
eruperat, de necessariâ ejus animadver-
sione, imò & castigatione statim & se-
riò cogitaverat; atque ut legentium a-
nimos novâ dulcedine mulceret, ei in
promptu erant non pauca, quæ Carmi-
nis

LECTORI.

nis hujus argumento non dissentanea, auctarii vice, adjungere meditabatur. Sed multi, per aliquot menses hinc inde obices exorti, huic proposito moras injecerunt; quas quum hodie tandem aliquando removerit, nunc sibi omnique bonæ menti gratam operam navare posse feliciter exultat.

Accipe ergo (AMICE LECTOR) non corruptam aut adulteratam; sed nativam & legitimam, ipsóque accurrante auctore, editam Callipædiam. Ab hac exulârunt aspera illa, quæ, nescio quo fato, in Batavam editionem irrepsérant; atque in eorum locum, potiora, nî fallor, subjunctæque materiæ accommodatiora subierunt.

In Primo quidem Libro adjunctam habes παρῆλασιw seu excursionem in hujus sæculi Avaros, qui pinguem dotem cæco desiderio prosequentes, hanc in aptandis conjugiiis, Nuribúsque aut Generis eligendis unicè concupiscunt. Ipsa etiam ad amabilem nostrum Regem LUDOVICUM,

LECTORI.

DOVICUM, pro Nuptiis, Apostrophe, quæ, in priori Editione, concisior, & salebrosior apparebat, nunc fusiori & æquabiliori stylo procedit; Regiæque Sponsæ ad pulchram sobolem assumendæ rationem, ingenuo nec forsan inepto consilio proponit.

Secundi Libri initio, lætitia Nuptialis ampliùs & amœniùs explicatur. Et, quod in Batavo exemplari omnino deerat, adjecta sunt ad finem non illepida præcepta, quibus mascula proles, satîs appositâ methodo, progignatur.

In Tertio, post vires imaginationis accuratè perpensas, habes insuper adjectam, de Prægnantis in Curriculo veneratione, tractationem; consitiquæ ad Sequanæ ripas Ulmarii, rhedarûmque huc frequenter & affatim accurrentium descriptionem; quam legere animoque identidem revolvere non pigebit.

In Quarto denique postremoque Callipædiæ Libro, præter immutata & inserta quædam, ad Italorum Gallorûmque
Ani-

LECTORI.

Animorum Icones spectantia, offertur tibi non insulsa in Magnates Patres animadversio, quòd Pueros suos vix ferulæ Magistrisve subductos, omnibus nullo discrimine sodalibus & cætibus admisceri concedant. Tum pro universi Operis coronide, Pacis jamdudum expetitæ, proximèque futuræ Vaticinium accedit, quod Musis Vatibûsque debitam felicitatem, placidûmque Callipædiæ usum non inamœnè pollicetur.

His te præmonitum volui (LECTOR INGENUE) ut quæ Batavis typis deessent, nostrisque accessissent, apprimè pernoresses. Hâc ergo nostrâ operâ amicè perfruere, & quæ δ'ε'τε'ρα' πε'γν'λ'ι'δ'ες σοφώ'τε'ρα' immutârunt & adjecerunt, æqui bonique consule.

TOTI-



T O T I U S
C A L L I P Æ D I Æ
O E C O N O M I A.



OEMA dispersitum est in quatuor Libros. Primus orditur ab invocatione Pulcherrimorum Numinum. Exinde Pulchritudinis, varias Regiones æstimatæ causam, ex apposita ad rem Pandoræ fabulâ, deducit. Sponforum ad pulchram prolem deligendorum conditiones exequitur; desinitque, imminente delectis Sponsis Hymenæo.


Secundus, celebrato Hymenæo, leges in coïtu servandas attingit. Astrologicas cautelas, siderumque ad formosam sobolem conducentium vires, expromit; tum quibusdam aliis regulis adjunctis, feminibus conceptis, absolvitur.

Tertius,

Tertius, signis Conceptûs explicatis, quædam præcepta Prægnantibus inculcat. Vires imaginationis in signandis foetibus extollit. Has probat ex formatione Chironis Centauri, cujus in Phillyræ utero coalitum natalisque describit. Earumdem causas ex principiis Epicuræ Philosophiæ delibat. Tum partûs quibusdam erroribus Puellum distorquentibus indicatis, variolisque oris venustatem præcipuè deturbantibus indigitatis, concluditur.

Quarto libro, cæteris paulò prolixiore, Pulchro veniens è corpore Virtus, humanæque, tum masculeæ, tum fœmineæ, mentis Pulchritudo, ex Intellectûs & Voluntatis virtutibus emicans, tractatur: ita ut demum Pœta, oblata sibi derepentè Calliopæ, &, post inculcata quædam Virginibus & Nuribus consilia, avolanti, valedicens, operi coronidem imponat. Hæc est Oeconomia totius nostræ Callipædiæ. Hâc fruire, & lætare.

Adj-



Adjicere hîc visum est Variationes
nonnullas ex Editione in 4^{to}.
impressâ Lugduni Batavorum,
Anno Dom. 1655.

LIBRO PRIMO.

PAG. 15. post v. 21. *Tu tamen has omnes (nostra
ô spes maxima Gentis)* hæc Carmina sequuntur in
Editione Batavâ.

Despicias, nec te externi capiant Hymenæi.
Scilicet haud paucas offert tua Gallica Tellus
Regali dignas thalamo, & quæ fidere eodem
Prognatæ, haud variâ pignantia semina fundant
Temperie, aut figant ignotis basia labris.
Nec te Conjugii teneat tam cæca libido,
Ut quam aut Italicus jactabit Regulus, aut quam
Vel Padus ostendet; Tiberis vel turbidus Amnis;
Immeritis adhibere toris digneris; & alti
Stemmatibus oblitus vili amplectaris amore.
Dum tamen ad Magni felicia fœdera lecti,

a 107
LIBRO

LIBRO QUARTO.

Pag. 67. Ver. 27. post *mixta modis*,

Stolidus quâ circumscribitur Orbis.
Quid quod adulatrix formas se vertit in omnes
Natio, servitio repens, magnatibus affans.
Subdola, lucro inhians, si jufferis, ibit in Orcum
Italus esuriens, crimen nec respuet ullum.
Hunc tamen haud credas nullâ virtute redemptum
A Vitiis.

Pag. 68. Ver. 8. post *dedignantia corda*, accedunt tres
Versus Bat. Edit.

Quodque magis mirere; alto quæ est cūmine summi
Decidit Imperii; Reges tamen edocet Artem
Regnandi, instituitque novos gens victa Tyrannos.

Pag. 70. Ver. 16. post *accipitur in Aula*, habentur hi
versus, Batavâ Editione.

Advena Trinacriis etiam devectus ab oris.
Gallia in externos nimia bonitate redundat
Imò alienigenis pravâ ratione regendam
Se tradit plerumque; suumque ingloria robur
Subjicit hospitibus longinquo è litore fufis.

Pag. 78. Lin. 22. post *Abripit? an Princeps?*
Variâ circumdatus Aulâ

Audiat ingenias Et amantes pulchra Camænas?

Scilicet


Scilicet indoctos animos ignavæque Regum
Corda foveant pravâ fontes ratione * Ministri,
Utque suum servant Regnum, Regna omnia perdent.

* Ministri] *Hæc voce utitur Seneca, Cap. 5. Lib. 2. de beneficiis, ubi hæc habet.* Nihil æquè amarum quàm diu pendere: æquiore quidam animo ferunt præcidi sibi Spem suam quàm trahi. Plerisque hoc vitium est, ambitione pravâ, differendi promissâ, ne minor sit rogantium turba; quales Regiæ potentiæ ministri sunt, quos delectat superbiæ suæ longum Spectaculum, minúsq; se judicant posse, nisi diu multúmque singulis, quid possint, ostendent, &c.

Pag. 79. Ver. 2. post *vigens in pectore Numen*, in Editione Batavâ sequuntur hi versus.

Fors erit, ut nostri pulcherrima gloria sæcli,
Celtarúmque insigne decus Rex munere Divûm
Editus, & fati Lodoïcus cura potentis,
Discussis quondam nebulis, diffundat ubique
Ingenitum jubar, & proprio se lumine promat.
Sic sæpe obscuræ denso velamine nubis
Obfitus, & tetrâ pressus caligine Titan,
Nativo demum radiantis acumine lucis,
Nubila perrumpit victor, séque afferit Orbi
Splendidus, & toto rutilans spatietur Olympo.

Qui de utriusque Editionis hujus Callipædiæ occasione
deque vituperato, deindeque laudato Julio Mazarino Car-
dinale plura scire velit, adeat Menagiana.



THE
OFFICE OF THE
SECRETARY OF THE
NAVY

WASHINGTON, D. C.
JANUARY 15, 1901

TO THE
HONORABLE THE SECRETARY OF THE NAVY

FROM
THE
HONORABLE THE SECRETARY OF THE NAVY

RE
YOUR LETTER OF JANUARY 10, 1901

IN
REFERENCE TO
THE
MATTER OF THE

NAVY DEPARTMENT

Yours very respectfully,
J. D. LONG



CLAUDII

QUILETI

CALLIPÆDIÆ

LIBER PRIMUS.



UID faciat lætos thalámos; quo semi-
ne felix

Exurgat proles, & amœni gratia vul-
tus;

Sidera quæ lepidas fundant per mem-
bra figuræ;

Et quæ vis animæ Geniali præsit Amori:

Quæ decora eximiam pulchro sub corpore mentem 5

Commendent, clarisq; Hominem virtutibus ornent,

Hic canere aggredior. Vos ô Pulcherrima mundi

Numina, formosæ Charites: Túque alma Leporum

Mater, in Idæis cui quondam saltibus, æqui

Judicio Paridis, formæ victoria cessit, 10

Idalios afflate modos: ne incompta venustam

2 CLAUDII QUILETI

Materiem Musa infamet; sed carmine grato
Discendam humano generi circumferat Artem.

Fors erit ut nostra accipiant, interprete Sponso,
Ingenuæ præcepta nurus; si quando beatam
Exoptent sobolem, speciosaque corpora natis.
Nec posthac homines foedis spernentur ubique
Conjugiis; pravâ queis membra exosa figurâ
Sordefcunt, turpique omnis Venus exulat ore.
Vos modò, quos blandi genialia foedera lecti
Invitant, pulchram post fata relinquere Prolem,
Attentis animis state; & si grata canemus,
Nostra virescenti præcingite tempora myrto.

Principiò, quibus in formis substantia Pulchri
Consistat; quis frontis honos; quæ blanda genarum
Conditio; quæ grata magis se vertice spargat.
Cæsaries; quibus in labiis fragrantia libes
Bafia; quas teneris stringas amplexibus ulnas
Nosse juvat. Sedenim variis sobolescit Amantum
Quæstio diffidiis. Albam hic Amaryllida laudat:
Huic Chloris subfusca placet: Te flava comarum
Retia Daphni tenent: Tu nigros Tyrfi capillos
Diligis, & rutilis horres in crinibus aurum.
Cæsius hunc oculus ferit: hunc pupilla sub atro
Nigra supercilio ferventi corripit igne.
Nec satis. hic graciles procerâ mole puellas
Ardet, carnosamque odit male-sanus amicam.
Tanta Cupidineâ sub Relligione vagatur
Hæresis, occœcâtque animum sua cuique libido!

Nec

Nec modò foemineam speciem contraria fingunt
 Sensa virùm: sed adhuc marium veneranda venustas
 Usque latet, variâsque secat sententia gentes.
 Cernis ut Æthiopes, vultus candore coruscos
 Contemnant, Stygiûsq; colorem hunc civibus aptent? 5
 Quis neget elatum convexo fornice nasum
 Continuò antiquis placuisse Euphratis alumni,
 Ex quo conspicuum tali sub imagine norunt
 Eoi Regem Imperii, qui Lydia junxit
 Regna suis. traxitq; opulentum in vincula Crœsum? 10
 Quid memorem niveo gaudentes corpore Gallos,
 Prolixisq; comis, & apertæ frontis honore?
 Quid fuscum Hispanum, & nigri ferrugine tinctum
 Sanguinis, ingentes humili sub mole minantem
 Conatus, tumidóque frementem in sidera fastu? 15
 Hic licet, occiduo & longâ vertigine fessio
 Sole, sub æthereas erumpat luminis oras,
 Se tamen ipse putat pulchrum; mollésque Britannos
 Spernit, & oblongis Germanica membra lacertis.
 Unde tot in rebus clâris discrimina? quænam 20
 Diversos hominum sensus causa abdita scindat
 Musa refer, primósque retexe ab origine lapsus.
 Jam novus ornatâ mundus compage nitebat;
 Atque creatarum series pulcherrima rerum
 Nativas monstrabat opes. nondum impia sæcli 25
 Pernicies, nitidum ferro corruperat aurum.
 Eminus auratâ fulgens testudine cœlum
 Lucentes puro pascebat in æthere stellas:

4 CLAUDII QUILLETI 102

Nec densus quisquam è pelago surgebat in altum
 Halitus, obscurâ raperet qui nube serenum;
 Undique mundities aderat. Tu Phœbe micantum
 Astrorum Princeps, nullis obnoxia velis
 Lumina spargebas; tua per vestigia currens
 Limpida nocturnas fulgebat Luna per umbras.
 Ipsa sibi adnatis faxis, animalibus, herbis
 Aspera, nec minimâ tellus spectabilis arte,
 Nil tamen obscœni redolebat: at omnia purus
 Spiritus, illæso servabat ubique tenore. 10
 Quippe, sub hæc teneri primordia candida mundi,
 Candorem retinebat homo; nec perdita proles
 Flexerat obliquos recto de tramite mores.
 Unus erat cultus Superûm; non cæca Libido,
 Non levis ambitio petulanti irreperat Orbi. 15
 Nec solus pietatis honos, animique venustas
 Humanum genus ornabant; sed gratia cunctis
 Infita corporibus, totiûsque optima molis
 Temperies, formæque decor per membra coruscans,
 Pulchra incorruptæ jungebat corpora menti. 20

Hunc ubi de rutilo concentum cernit Olympo
 Omnipotens, sanctûmque vigere per omnia foedus;
 Summum opus adjungamus, ait; coelique, solique
 Delicias omnes Nympham cogamus in unam.
 Vix ea fatus erat. vastum per inane volantes 25
 Accurrunt operi species: CrySTALLINUS Orbis
 Corpoream internens molem, se in frustra secari
 Gaudet, ut æthereos Divæ ducatur in artus:

Sol capiti annectit radios: albentia frontis
 Marmora dat Phœbe: nivea inter lilia fingit
 Purpureas Aurora genas: mellita labella
 Efformat Venus; & reliquo se corpore fundit
 Divus Amor, lepidâ Charitum stipante coronâ. 5
 His adeò instructum membris, speciêque decorâ,
 Protinus implevit vitali flamine corpus
 Divûm hominûmq; parens; atque apto nomine dictam,
 Pandoram, verbis sic interpellat amicis.

I formosâ Deûm soboles, hominésque benigno 10
 Ore bea; tua te terris præsentia reddat
 Conspicuam, referétque tuæ miracula formæ.
 Scilicet humanis oculis (dum innoxius ævi
 Fulget honos) placet ut Pulchri natura patefcat.
 Tu tamen humanæ si curas gaudia fortis, 15
 Et stabilem servare cupis per sæcla decorem;
 Quam tibi committo fatali semine plenam
 Pyxida, ne levior digitis reclude profanis.
 Si facias: mox foeda lues invadet in omnem
 Progeniem, tibi nec turpis mutatio parcet. 20

Dixit. At hæc dicto velocius effluit astris:
 Et lustrans terras peregrè, haud Epimethea solum
 Visit, ut Ascræi referunt insomnia Vatis.
 Ipsa sed in vulgus se prodens, splendet ubique
 Os humerósque Deæ similis. circumflua gestit 25
 Turba virûm, obtutûque stupens hærescit in uno.
 Corporis hic habitum miratur; at ille comarum
 Auratos radios: niveo hinc candore corusca

Frons micat: hinc spirat divinum vertice odorem.
 Et (quod vix canerem nisi Sacro Numine Phœbus
 Innueret) Pandoræ oculi, ceu luminis orbes,
 Æthereum decus addebant spectantibus. Alto
 Sic rutilans Aurora polo, ridentia passim
 Prata beat, pulchrūmq; solo dat pulchra colorem.
 Unà adeo cuncti sexus utriusque lepores
 Splendebant, dum recta hominum natura malignos
 Nescibat mores, sed honestā in lege manebat.

Ast ubi felicitis mutatio degener ævi,
 Humanæ sobolis mentes ad devia traxit;
 Protinùs incœpit pravæ contagia gentis
 Haurire, insanósque sequi Pandora furores.
 Quippe diù, non illa stetit, quin iussū supremi
 Aspernata Dei, cæcâque libidine rapta,
 Sacrilegâ (ô facinus!) referavit pyxida dextrâ:
 Unde statim vastas teter prorupit in auras
 Spiritus; ipsius qui virginis orâ laceffens,
 Continud innatum frontis delevit honorem;
 Fœdavitque genas; oculisque crepuscula crassa
 Offundens, nullâ decus ullum in parte reliquit.
 Nec fatis. In mortale genus de femine eodem
 Morborum numerosa cohors processit; & ipsum
 Infestâ contage petens, corpûsque, animûmq;
 Humanæ rationis opes commiscuit atris
 Errorum nebulis, genuinâque lumina vertit.
 Hinc Pulchrî natura latet, sempérque latebit
 Humanam sobolem; nec erit qui nubila densa

Discutere, & tantas possit referare latebras.
 Ergo quid in tanta statuemus nocte? quod umbras
 Dissolvat jubar? adsis ô rutilantis Olympi
 Phœbe decus, radiisq; novis nova lumina sparge.

Scilicet in totum quamvis se fuderit orbem
 Contages; tamen haud æqualia damna recepit
 Omnis humus, pariterque gravi sub fomite sordet.
 Illa sed argentem regio quæ vergit ad Arcton;
 Quæque per immodicos Solis comburitur æstus;
 Turpibus ante alias horrescunt gentibus. Illa
 Immenso diluta mari, turpissima gestat
 Corpora, queis lentos moles inhonesta per artus
 Spargitur. hanc turpât scœdâ e fuligine surgens
 Sordities; crispique atra inter tempora crines;
 Laborumque tumor fimis sub naribus extans.

Nec tamen hîc filiam, proprio quod Apolline Princeps
 Scribit Arabs; terras medio super axe locatas,
 Temperie æquali mixtis cum frigore flammis
 Gaudere, æternumque boni dulcedine cœli.
 Namque duos utrimque Polos, summôq; micantem
 Vertice quum spectent Libram, æquâ lance calentis
 Divisos Phœbi radios cum nocte tepente
 Semper habent. hinc innumeris ditissima Tellus
 Luxuriat donis; duplici se Vere resolvit:
 Bis parit innumeros nullo conamine fructus:
 Bis tandem modicæ persentit frigora brumæ.
 Unde ego crediderim genita in regionibus istis
 Corpora, temperie pulchrâ, formisq; decoris,

8 CLAUDII QUILLETI

Ornari; nō fœdi habitus infamia fuscant

Offerret speciem, & nimii argumenta caloris.

Ergo è limitibus Zonæ torrentis, in ipsum
Nonnihil inclinare Polum, me iudice, fas est,
Si dulcem terræ genium, pulchrosque colonos
Quæris, & antiqui monumentum insigne decoris.

Tu modò sub calido Latia, Hesperiaque rubenti
Nusquam consistas: sed in ulteriora recedas
Europæ spatia, Elysio quo se æquore fundit
Gallia, felicique homines sub sidere pascit.

Præsertim irriguis quæ se Turonia campis
Submittit, variòque refurgit in æthera colle.

Hic ubi fœcundos Liger almus repit ad Andes,
Fluminibusque tumens loca fœta feracibus undis
Alluit, & croceâ nitidus splendescit arenâ;

Conspicias multas formâ præstante nitentes,
Pandorâmque suo referentes corpore Nymphas.

Nobilis has passim mediocri in mole figura
Commendat: non crassa nimis, non squallida macris
Artubus, at pulchro membrorum clara nitore.

Si frontem inspectes, tenero lævore corusca
Prominet; & molli descendens lactea clivo,
Efformat placidos oculis ridentibus alveos.

Cerne genas, rubeo referunt suffusa colore
Lilia, quæ labii roseos comitantur honores.

Quid celebrem auratos crines? quid eburnea colla?
Mammarumque decus spirans, & cætera dici
Quæ prohibet pudor, & castæ reverentia Musæ?

Nec

Nec tantum in nostris felix natura triumphat
 Virginibus; sed masculo sub corpore pubes
 Emicat, innuptis haud aspernanda puellis.
 Aspice ut imberbes habitus laudabilis ornat,
 Equaque temperies pulchræ socia addita formæ.
 Pallida non facies; non atri aspergine tincta
 Humoris; sed sanguineo spectabilis ostro,
 Excipit undantes sublimi è fronte capillos.
 Nec minor in reliquis membris præstantia: firma
 Compages per cuncta viget; formosa tororum
 Mobilitas; mediæque habilis proportio moli.
 Has adeo species nostri clementia cœli
 Producit. Nec enim calido vicinius Austro,
 Nec gelido Boreæ; medium sed munere Divûm
 Clima tenens, tepidas præstat viventibus auras.

Ergo age (si nostras addiscere non piget artes)
 Hæc memori sub mente geras: *Non omnis habenda*
Vir mulierque vacet soboli; nec turpia dulci
Corpora committas opera, sacrisq; Hymenais.
 Quis tetram horrendo Noctem Phlegethonte subactam
 Nesciat anguiferas Orco peperisse Sorores?
 Quis nigri thalamos Ditis non horreat? atrum
 Quæ Cyclopa ferat Virgo? non Mulciber ullam,
 Judice me, Venerem premat; in fornacibus Ætnæ
 Usque furens, steriles infelix exigat annos.

Sed mihi pulchra sapit, sano qui corpore fortes
 Connubiis aptat, tedisque jugalibus arcet
 Invalidos: ceu quos miseræ tormenta podagræ

Affligunt;

IO CLAUDII QUILLETI

Affigunt; morbus-ve facer; mentisque pudendus
Error, & insana infestans præcordia bilis;
Aut pulmonis edax ulcus, pascensque medullas
Ignis, & exsucco veniens in corpore tabes.

Scilicet humanam ad prolem (mirabile dictu)
Deciduum toto procedit corpore semen;
Unde malos membrorum habitus, altèque repostas.

Visceribus patrum labes traducit in ipsam
Progeniem, & natis vitam impertitur amaram.

Heu quoties vidi miserandâ sorte creatos,
Æthereas querulis nequicquam planctibus auras
Rumpere, & innocuis nimium male-dicere Divis!

Ergo tibi inprimis, Sponsa, Sponsæque legantur;

Turpia nec pulchræ quæras primordia proli.

Ecquis enim furor est? lætas dum poscis aristas,

Triticæque decus sobolis, comedendaque farra;

Haud unquam inverso tradis marcentia fulco

Semina, sed flavum Cereris melioris honorem?

Tu tamen interea humanam contemnere pergis

Sementem; nec clara tuæ te gloria fortis

Tangit, ut incolumes uteros, uterique colonos,

Sincerumque petas valido de corpore semen.

Té-ne Hominis natura latet? té-ne ipsa Tonantis

Effigies? té-ne hic animus, cui fidera nota,

Cui mundi genus omne subest, haud possit inertem

Erigere, ut veræ documenta capeffere cures

Artis, & æthereæ condas pulchra atria menti?

Dique Deæque omnes quibus alma cubilia curæ;

Quis

Queis hominum satio arridet, promiscua passim
 Semina, & infirmos thalamis arcete maritos,
 Invalidâsque nurus: sua ne primordia damnet
 Progenies, voveâtque Erebo Dirisque parentes.
 Tu modò qui firmo servas molimine mundum 5
 Divûm Hominûmq; parens, pravum consistere morem
 Ne patiare: novus claro descendat Olympo
 Naturæ Genius, qui Homini præcepta ferendo
 Scribat, & ad reliquos transmittat scripta nepotes.

Nec mihi sufficiant vegetâ de gente parata 10
 Conjugia; est aliud superat quod cætera punctum.
Ne juveni vetulam jungas, vetulôq; puellam;
 His nec lætus Hymen, nec amicâ lampade fulgens
 Allucet Sponsis Juno: succedit iniqua
 Tisiphone, accensâ Stygio de sulphure tedâ. 15
 Cernis ut antiquo juvenis male-nupta marito,
 Amplexus gelidos, invisâque basia vitet
 Quotidie, lachrymisque genas suffundat obortis,
 Tithoni exosum fugiens Aurora cubile.
 O fortunatum quem castis ignibus Atym 20
 Deperiit Cybele! tantæ si basia sicca
 Delibasset anus, juvenili robore cassus
 Paullatim effætis animam liquisset in ulnis,
 Quippe senescentes artus invadit iniqua
 Ariditas, quâ vivificus consumitur humor 25
 Puberibus teneris. Libycos sic sæpe per agros
 Irrigui bibulis imbres fuguntur arenis,
 Torrida nec pluvio saturatur fidere tellus.

Præterea

12 CLAUDII QUILETI

Præterea tam dissimili, juvenisque, senisque
 Semina temperie pugnant; ut si quis in auras,
 Concordi tandem coïtu, proruperit infans,
 Heu nimiùm misero languescat debilis ævo;
 Nec validis possit patriæ succurrere nervis.

5

Haud tamen hîc fileamus; ut auri sacra cupido;
 Immensæ vel dotis Amor, nostra optima passim
 Consilia, & pulchras soleat contemnere leges.
 Nimirum immodico si quis patrimonia census,
 Et multis gravidam nummorum millibus arcam
 Monstret, & uxori promittat; protinus omnes
 Hunc ambire sibi generum, matrêsq; patrêsq;
 Cernimus, & lepidas certatim offerre puellas
 Conspicuo Diti. quamvis huic viscera rodens
 Fœda lues, Nuptæ contagia dira minetur.
 Quamvis vel tremulæ languentia membra senectæ,
 Fœcundâmque negent Venerem, thalamosq; beatos,
 Atque infelici moveant fastidia sponsæ.

10

15

O quantas lachrymas; ô quanta hic tædia lectus
 Infaustus feret! eximium marcescere florem
 Ætatis, turpêsq; tori succedere fructus,
 Aut nullos, miseranda nurus, noctêsq; diêsq;
 Ingemet, & Veneris ludos horrebit iniquos.
 Quinetiam amplexus potioris amœna libido
 Si fortè invadet teneram (foetentia nam quæ
 Oscula, & invalidum non excretur Amorem!)
 Quot mœchis temerata domus sordescet? alendos
 Quot tibi turba procax dabit ô Curruca Puellor?

20

25

Hic

CALLIPÆDIÆ LIB. I. 13

Hic equitem; hic vernam; vicinum hic exprimet Infans
Civem; aut bellacis frontemque oculosq; Tribuni.

Quæ tibi tot longis congesta pecunia crevit
Ærumnis; tibi quæ locupletes ordine longo
Transmisere Patres, pinguissima prædia, lævis 5
Numinibus, cedent alieno indebita nato.

Nec tantum hæc privata domus dispendia speret.
Ipsi etiam effæto nonnumquam robore Reges
Masculæ; aut veteris steriles ob semina morbi;
Infantes celsis in pulvinaribus ortos 10
Suscepere nothos. quondam data jura pudendo
Et sceleri, & natæ mœchi de sanguine proli:
Indignum quandoque caput diademate cinctum;
Sceptraque supposito, ô facinus! transmissa tyranno.

Sic quoque divitiis quæcumque, aut dote beatâ 15
Insignis celebratur Anus, licet aspera rugis
Ora gerat; lippis oculis, & dentibus atris
Horrida; clangosaque agitans præcordia tussi;
Hæc tamen insano si fortè libidinis cæstro
Percita, connubiis inhiet serisque hymenæis; 20
Non deerit Juvenis, qui illam sectetur Amator,
Ingentisque affectet opes, nexumque jugalem
Offerat, & vetulæ macilentum ad corpus anhelet.
Ast ubi se ad multi communia commoda census
Sentiet adscitum, paullatim tristitia surgent 25
Tædia, & uxoris tetrum aspernabitur ignem:
Virginis, aut Nuptæ flagrabit amore coævæ,
Dum gemet in vacuo conjux deserta cubili.

Hinc

14 CLAUDII QUIILETI

Hinc queruli erumpent fletus, iræque furentis
Zelotypæ, spretique atrox injuriâ lecti.

Hinc etiam hippomane affuso, mixtâ-ve rubetâ,
Incautum audebit fatis urgere maritum.

Unde ego communes coitus, & nescia pacti
Conjugia optarem induci (nisi sancta vetaret
Religio;) quippe ingenitis rationibus æquam
Eligeret saltem Venerem Natura; nec ægris
Misceret sana, aut morientia corpora vivis.

Usque aded simili gaudentes flore juventæ,
Et valida integris jactantes robora membris,
Congruit ante alios geniali incumbere curæ!

*Nec tamen impubes Pueros crudâsq; Puellas
Junxeris.* In vacuis nondum genitalibus humor
Turget, at ingenuâ distendit mole lacertos,

Crescentémque Hominem partes diducit in omnes.
Has ideò leges, servandaque fœdera dudum
Imposuit Themis, ut bissennum impleverit annum
Fœmina, si Veneris dulci indulgere labori,
Et firmam cupit ex utero deponere prolem.

Namque ubi jam cœpit muliebri in corpore moles
Firmari, fervétque novo calor acrior æstu;
Tunc superest, roseóque uterum circum-alluit amne

Sanguis, in annonam fœtus & pabula Nati:
Maturóque simul turgentes tubere mammæ,
Inspirant blandum lascivi flamen amoris.

Sic quoque dum maribus molli lanugine pubes
Induitur, solidisque accedunt robora membris,

Fertilis

CALLIPÆDIÆ LIB. I. 15

Fertilis exultat vigor; & Junone secundâ,
Tunc licet uxoris blandos penetrare recessus.
His sanè ordinibus Mundi, & rationibus æquis
Conjugia aptantur; nec erit qui talia pulchræ
Fundamenta neget sobolis, thalamique beati. 5

Interea dum tam lepidâ versamur in Arte,
Conjugibusque damus leges; En Pulcher amandâ
Pubertate viget, validâ qui Gallica gestat
Sceptra manu, æternoque Patrum diademate fulget
Chara Deum soboles, cælo Lodoicus ab alto 10
Missus, ut innocuis moderetur legibus Orbem.

O qualis decor ore nitet! quàm Regia toto
Corpore Majestas, animusque ad grandia surgens!
Hunc optant jam mille Dæ: Hunc spectabilis ardet
Nympha Tagi, Austriaci augusto de sanguine Ditis, 15
Jungendosque novo nexu promittit Iberos.

Hunc Lusitanis etiam suspirat ab oris
Regia Virgo gemens, Hispanæque æmula flammæ.
Hunc etiam Eridani Nymphæ, Rhenique bicornis
Depereunt, certantque sacris incendere tedis. 20

Tu tamen has omnes (nostræ ô spes maxima gentis)
Sedulus expendas, lectamque ad basia jungas.
Scilicet haud ullam thalami regalis honore
Digneris, cujus non ipsa inspexeris ora

Tu prius, insertamque alto sub pectore mentem. 25
Quis ferat infanum morem, quo Numine cæco,
Excelsum Sponsa ad lectum non visa vocatur,
Eligiturque oculis alienis Regia Conjux?

Immo

16 CLAUDII QUIILETI

Immo hoc in votis sit primum, ut Pulchra jugali
 Juncta tibi vinco, & pulchro de sanguine creta
 Uxor adorandâ faciat te prole Parentem.
 Ecquid enim Populorum animos, subjectaq; corda
 Leniùs afficiat, Regùmque ad Numina flectat, 5
 Quàm si formosam decorent diademata frontem,
 Pulchrâque fidereo majestas fulgeat ore?
 Quid juvet antiquo Regnantum è stertimate Sponsam
 Ducere, Junoném-ve suis adjungere sceptris,
 Si fuscis obscœna genis, & corpore fœdo; 10
 Vel nullum penitus, vel turpem inspiret amorem;
 Unde etiam ad Regnum turpis se proferat hæres?
 Non latet ut crebris temeretur Regia scortis,
 Quum ruit in vetitam Venerem, famâq; sinistra,
 Regius uxorem nimiùm aspernatur Adulter. 15
 Sic sæpe exosæ pertæsus conjugis olim
 Juppiter, humanum promiscua stupra per Orbem
 Intulit, & spuris fœdavit sidera Natis.
 Eripe te his, Rex magne, probris; contentus amandâ
 Conjuge, Regales formosâ prole Penates 20
 Auge, & conspicuos pueros in sceptrâ repone.
 Quin etiam (si tanta loqui per Numina nobis
 Sacra licet) posses minùs altâ è stirpe paratum
 Sumere conjugium; modò pulchrâ nobile formâ
 Concordes gereret splendenti in corpore mores, 25
 Unanimique tuas leniret pectore curas.
 Nimirum per Connubia, ingentésque Hymenæos
 Munimenta sibi quærant, nutantia quorum

Sceptra labant, nec firma suis radicibus hærent.

Sic tener elatam palmes desiderat ulmum.

Sed quibus invicto Populorum robore perstat

Majestas, proprio Reges se pondere librant;

Vicini nec egent vano tutamine Regni.

Dum tamen augusti decus ad sublime cubilis,

Prudenti præstans delectu quæritur uxor;

Me liceat coeptum, Phœbo aspirante, laborem

Persequi, & optandas sponsis edicere leges.





CALLIPÆDIÆ

LIBER SECUNDUS.



ED jam legitimo sociati fœdere Sponsi
Fœcundos ardent coitus. jam læta,
peracto

Officio, è cœnâ Agnatorum turba re-
cedit.

Ipsè pater saturo turgens abdomine
Bacchus.

Despicit effuso redolentia pocula vino,

Inversâsq̃ solo pateras, saltante choreâ,

Florentes annis pueros, agilêsq̃ puellas

Lassarunt crispo modulantes pectine chordæ.

Jam citharâ insignis licito prælusit Amori.

Hedymeles; dulcêsq̃ jocos & suavia cantans

Basia, felicitis promissit pignora læti.

Imò & vesanum pectus, morêsq̃ ferocis

Palladis, & stolidæ deridens vota Dianæ,

Te solam, Cytherea, piis mortalibus æquam

Personuit: tua lætitiâ studia alma beatam

Præstare, atque ipsi solatia blanda Tonanti.

Te,

Te, formosæ Pari, meritis evexit ad Astra
 Laudibus, eximiæ quòd debita præmia formæ
 Donasses Veneri, sævâ freudentibus irâ
 Supremique uxore Dei, innuptaque Minervâ.
 Ast nimis insanum salibus tentare jocosis 5
 Haud veritus Phœbum, infando quòd perditus æstu
 Oebalium sterili puerum vexarit amore,
 Excusóque caput quassarit amabile disco:
 Te quoque, summe Pater, Phrygii quòd amore puelli
 Correptus, tetro fervens indulseris igni, 10
 Contempsit: nam sola canens quæ utrimq; resolvunt
 Oscula, perversum Diris oneravit Amorem.
 Morosi risere senes: risere verendæ
 Matronæ, castæque nurus. Sed Vesper Amantes
 Sollicitat, Venerisque sacro micat Aureus Astro. 15
 Ergo abeas inamœne Pudor. Succedat amicâ
 Lampade ridentes agitans Hymenæus Amores.
 Atque maritalem jactans Saturnia tedam.
 Vosque adeo, ô passæ genialia proelia Matres,
 Virgineam intactæ Zonam discingite Sponsæ, 20
 Intrepidósque afflate animos. jam nuda mariti
 Membra Cupidineam fervent intrare palæstram.

Congrediamur, ait; Paphióque terenda duello
 Tempora ne perdat mora longior; invida cedat
 Turba, nec optatam toties præcludat arenam. 25
 Quid validos miscere toros; quid nostra vetatis
 Brachia felici tandem se tradere luctæ?

Parce furens animi juvenis; compescere robur

Tantisper, cæcùmque juvat frænare furorem.
 Nimirum crudum si ad læta cubilia portas
 Ventre cibum, incoctâque agitas genitalia cœnâ,
 Heu tenue effundes semen; nec idonea pulchrum
 Materies fundabit opus. siste ergo per horas
 Saltem aliquot; dum cocta satis, stomachoque subacta
 Fabula, Nectareum spargant per viscera succum.
 Dura quidem tibi lex, sed pulchræ congrua proli.

Quippe Sophos docuit Naturæ providus ordo,
 Qui matutino concrescunt tempore foetus, 10
 Pulchrius effictam membris assumere formam;
 Hoc ratio ipsa probat. Nam quum nox humida cœlo
 Labitur, & dulcem spargit per membra soporem;
 Tum calor è summis subit interiora, ciboque
 Acrius incumbit, nativâque munia complet. 15
 Robore tum vegeto ventris præmansa teruntur
 Frustula, quæ speciem lactentis adepta cremoris
 In jecur irrepunt; rutiloque imbuta rubore,
 Sanguineo totum perfundunt flumine corpus:
 Unde & foecundos latices genitalia fugunt, 20
 Queis fervore novo spumantia semina manant.
 Namque inter-textis plexu centuplice venis;
 Spiritibusque iterum mixtis; concoctior humor
 Evadit, vitæque capax animique futuri.
 Intempesta igitur prudens vitare memento 25
 Basia; ne studio Veneris frangente calorem,
 Naturæ turbetur opus; præcept-ve libido
 Venturo lugenda ferat dispendia nato.

Quis nescit crudo distentum nectare quondam
 Indulxisse Jovem Junoni; atque indè creatum
 Vulcanum turpem, cœlique ex arce ruendum?
 Hic adeo informis vultu, membrisque pudendus,
 Ut nec cum mensâ Superi, Pallasque petito 5
 Sit dignata toro; fœdo sed corpore spretum
 Jusserit ad calidum Veneris migrare cubile.
 Hæc etiam omnimodis nullo discrimine jungi
 Sueta viris, talem hunc fastidit sæpe maritum;
 Connubii que sacras gaudens contemnere leges, 10
 Sæpius innumeros admittit ad oscula mœchos.

Nec fatis est instantem operi, atque ingesta coquentem
 Præpropere coïtu non abduxisse calorem;
 Est aliud quod nosse juvet. *Tu respice solers,*
Quâ cœli facie, quo sidere conjugis arctos 15
Amplexus subeas, fœcundâ que basia libes.
 Non etenim tanti refert, quo lumine primos
 Vagitus infans edat, maternâque rumpat
 Vincula, & exiliens utero se prodat in auras;
 Quanti, quo radio, quibus astris, semine utroque 20
 Concepto, humana incipiat coalescere moles.
 Scilicet hiscenti qui fertilis humor in alvo
 Conditur, & calidis fervens congressibus hæret,
 Sidereos magis influxus, supremâque fata
 Excipit, & valido cedit mollissimus astro. 25

Sed quis tanta queat summi recludere mundi
 Arcana, & pulchras fatorum evolvere leges?
 Tu Dea quæ rutilis celsum caput inferis Astris

Uranie;

22 CLAUDII QUILLETI

Uranie; cui sordet humus; cui sidera tota
 se pandunt, rege cantantem cœlestia Vatem.
 In Pulchro labor est, & nostram gloria Musam
 Pulchra manet, si divinas quas condimus Artes,
 Numine felici inspiras, atque ora resolvīs. 5
 Nimirum aurato quod fulget fornice cœlum;
 Quæque coruscanti scintillant lumine flammæ
 Ætheris, haud mera sunt oculis spectacula nostris:
 Non ideo innumeras stellas inspergit Olympo
 Omnipotens, ut nos picturâ pascat inani; 10
 Altera condendi ratio fuit optima mundi.
 Nonne vides ut diversis surgentibus Astris,
 Æstusque, pluviaëque, & agentes nubila venti,
 Temperie variâ terras, Pontum, Aëra mutant?
 Quis neget imbriferas Hyadas? quis Oriona nimbos 15
 Cogentem? viden' ut ferventes Sirius agros
 Urat, & irriguos sitiens exsorbeat amnes?
 Quid memorem summo coëuntes æthere summos
 Fatorum auctores? Saturnum falce tremendum;
 Sanguineumq; Jovem; & spirantem prælia Martem? 20
 Horum si junctos rabidus Leo colliget ignes,
 Heu quot subjectas perdent incendia gentes!
 Funera quot truculenta dabit furialis Enyo!
 Mutatis rerum vicibus subversa fatiscunt
 Imperia, atque novi venient ad sceptra Tyranni. 25
 Talia congressu simili coëuntia quondam
 Sidera, Pompei movere & Cæsaris iras;
 Romæque Thessalicos fœdavit sanguine campos.

Et

Et (vatum nisi vana fides) quæ nunc quoque Gallos,
 Hispanosque fero committunt Marte ruentes,
 Armatosque adigunt in mutua vulnera Reges,
 Hæc eadem sunt fata Poli: nam sidera mixta
 Saturni, Jovis, & Martis, junxere malignos
 Ignes, quæ rutilus distendit brachia Chiron.

Nec non quæ tetrum dispergit in inguina virus
 Foeda lues, Venerisque usus corrumpit amœnos,
 Iisdem sideribus junctis producta refertur.

Namque ferunt ipso quo tempore turpis in orbem 10
 Irrupit labes, contagiæque horrida fudit;
 In Cancro, fidus Martis eciisse furentis,
 Et qui liventi Saturnus nigricat Astro.

Sed quid tantorum refero penetralia Divum,
 Summarumque vicēs rerum, causasque retexo? 15
 Expediam pulchros quæ fingant sidera natos;
 Et quæ nos docuit pulcher Dictator Apollo.

Antiquo fama est homines doluisse sub ævo,
 Et superos quondam crebris tetigisse querelis:
 Plurima quod passim fœdis natalibus orta 20
 Corpora, in humanam ferrent opprobria gentem.
 Nescio quo cœli vitio, quo semine pleni
 Tunc uteri, illepidam fundebant undique prolem:
 Tunc rarus decor ornabat sponsosque nurusque.

Ergo ut sorditiem hanc summâ despexit ab arce 25
 Coelicolûm Princeps; Divos, Divasque faventes
 Conjugiis, rutilas accersit ad ætheris ædes.
 Advolat ante omnes pictis pavonibus auras

Pronuba

24 CLAUDII QUILLETI

Pronuba Juno fecans. sequitur Cythereia mater
 Vesta Cupidineis vastum per inane columbis.
 Accurris Lenæ Pater. Túque inclýta cultrix
 Auricomæ segetis; (quis enim sine numine vestro
 Fortiter uxori incumbat, Venerémque frequentet?) 5
 Concilium magnum complet formosus Apollo.
 Confederé Dei, atque Deæ. Tum Juppiter alto
 Exorsus solio, paucis humana recenset
 Tædia; & infames turpi propagine terras.
 Dúmque hæc omnipotens expendit, opémque requirit; 10
 Delius assurgens, postquam est data copia fandi,
 Tali voce refert. Hominum malè providus usus,
 O Superi, & celsi damnanda inciticia mundi,
 Illepidos generant pueros, turpésque puellas.
 Atque ut cuncta meo de fidere sidera pendent, 15
 Fas mihi sit cœli pulchras exponere vires;
 Nec vulgata loqui. Obliquo quâ cingitur æther
 Zodiaco, astrorum rutilantes cernitis ignes,
 Claráque bisseñas referencia signa figuras;
 Hinc oris fluit omne decus, pulchríque venustas 20
 Corporis; hinc etiam vultus deformis origo.
 Nam dum prolificâ fervent genitalia luctâ,
 Si simul emerget fugientis corniger Helles
 Vector, & ignito in cœlum se vellere tollet;
 Quæ tunc concipiet, nil pulchri proferet uxor. 25
 Oblongum pueri collum, nec idonea crura;
 Incurvúmque caput, defixáque lumina terræ;
 Duratæ cutis asperitas, niveique capilli,

Corporis

Corporis immani moli jungentur ineptè.

Præcipuè si Saturni fax improba tetris

Inficiet radiis ortum, vel Martius ignis;

Quippe abigant omnes ex omni parte lepores;

Hæc invisa bonis infauſtæque Sidera natis.

Nec magis arrident radiantia cornua Tauri;

Aut tranſverſa tuens Oculus violentius Aſtrum.

Pleiadúmque Chorus. Pulchro licèt ore ſuperbæ,

Pleiõne genitæ, matris pulchra ora referrent,

Nil tamen efformant lepidum; niſi Cynthia noſtrâ 10

Luce micans, leni radio candentia ſingat

Membra, creétque cutem blando lævore coruſcam.

De Tauro quid plura? ſatus, ſub Sidere bruto,

Oblongas infans nares, nimiúmque patentes;

Pinguia colla; oculos turpes, & lumine torvos; 15

Illepidam frontem; ruſos per tempora crines;

Nigra ſupercilia, & magno de pectore raucam

Vocem habeat, foedámque agreſti corpore molem.

At Geminis decor omnis ineſt, formaèque venuſtas.

Hos Helenæ pulchros, concordia pectora, Fratres, 20

Et puro Ledæ prognatos ſanguine, cœlo

Donavit pater omnipotens; voluitque beatam

Innocuo ſemper nexu producere prolem.

Nec tantùm lenes oculos, ridentiæque ora,

Et niveum præſtant per lævia membra colorem; 25

Sed blandos animi mores, & lumen amœni

Ingenii, placidæſque artes, gratámque loquelam.

Scilicet his Majâ genitus dominatur in aſtris;

26 CLAUDII QUILETI

Facundâsque ferit vires ; queis gratia mentis,
Corporis ingenui molem comitatur honestam.

O quàm dissimiles radios ex æquore surgens
Obscœnus Cancer concepta in femina vibrat !
Hic ex immundis fœdè conflatus Afellis,
Et turpes pandens Chelas, deformia confert
Membra ; oculos parvos ; tetros nullo ordine dentes ;
Pinguis aqualiculi gibbum ; gracilêsq̃ue lacertos ;
Atque humili toto contractam corpore molem.

Sed quæ detraxit Nemeææ claviger Heros
Terga feræ, urenti fulgentia in æthere flammâ ;
Hæc flavos præbent crines, oculôsq̃ue feroces ;
Pectora lata ; artus longos ; procerâque membra.
Ecquid enim humani, furialis bellua possit
Conferre, Argolicos quæ cùm disperderet agros,
Herculis indomitâ mervit succumbere clavâ ?
Et quamvis folium rutilo hoc sub sidere dudum
Fata mihi dederint ; fausto vix lumine possim
Frangere naturam turpem, rabiêmque Leonis.

Hunc sequitur Virgo, nitidis spectabilis Astris,
Justitiæque Astræa tenax, quæ ferrea sæcla,
Insanûmque solum fugiens successit Olympo.
Cernitis eximiam lucem quâ Spica coruscat,
Æmula fax Jovis innocui ; non purior ignis
Scintillat, radiisq̃ue uteros melioribus implet.
Virginis ergo oriens fidus, fœcunda fovebit
Semina, formoso influxu ; speciêsq̃ue decoras,
Laudandôsq̃ue habitus, vultusq̃ue inducet amandos.

Nec

Nec minùs oblectant orientis lumina Libræ.
 Hic, Charitum Regina, domum sedémque locasti,
 Viribus hinc validis, facie pulcherrima fingis
 Corpora, formosos pueros, lepidásque puellas.
 Novi equidem hoc signo Saturni fidus iniquum 5
 Exaltare suum robur; fuscúmque colorem
 Per reliquos artus infesto lumine spargi.
 Sed tua præcellit virtus Cytherea : tuóque
 Munere, se niveâ profert albedine vultus.

At quis ferre queat quæ teter ab æquore surgens 10
 Scorpius, illepidis deturpat membra figuris?
 Ille venenatâ verrens magnum æthera caudâ
 Pulchrum odit: parvos oculos, rufósque capillos
 Ingenerat; magnósque pedes, oblongáque crura.
 Has vires sortitur Orionis interfector 15
 Sordidus, ac putri Telluris pulvere cretus.

Phillyrides verò Chiron, præceptor Achillis,
 Quem Divûm pietas pulchro donavit Olympo,
 Non ita deformat natos: Nam si exerit undis
 Aut caput, aut humeros, aut tensæ spicula dextræ, 20
 Conceptus beat, & formosis influit astris.
 At si posterior caudâ fulgebit equiná,
 Non ita felici turgebunt semine matres.

Quis Capri hirsuti torpentia sidera nescit?
 Hæc horrenda domus Saturni turpia quæque 25
 Conferet, & natos vix ullâ ex parte beabit.

Hinc Phrygius puer exoriens, urnáque benignâ
 Fertilis, ad pulchram disponet semina prolem.

Æquorei demum Piscēs, quibus humor abundat
 Frigidior; cassæque hærent in corpore vires;
 Producent capita exigua, exilésque lacertos;
 Distortam formam, & parvæ compendia molis.

Quid loquar oppositis Errantia sidera flammis, 5
 Lucéque Quadratâ pulchrum corrumpere Olympum?
 Quis nescit Trini radii, & Sextilis amicos
 Influxus? si præsertim tu Coelicolûm Rex;
 Túque Cypri Regina; astris fulgebitis æquis,
 Prosperaque optatæ dabitis primordia proli. 10

Nec latet ad lepidam sobolem conducere vernos
 Amplexus; læto quo tempore parturit omnis
 Natura, & radiis turget vitalibus Aër.

Sed calor æstivus, quo fervet torrida bilis;
 Multus & in tenues vanescit spiritus auras; 15
 Effoetæque fluunt vires; vix sufficit almæ
 Progenerandi operæ. Autumni vix tabida confert
 Temperies: aut vesanæ inclementia Brumæ.
 Ergo imprudentes homines, nimiûmque salaces,
 Nec faustos satagunt radios, nec tempora læta 20
 Eligere; ut pulchræ sobolis fundamina ponant.

Assensere omnes Superi; iussûque Tonantis,
 Sculpta hæc in croceâ divina effata papyro;
 Quæ dudum in sacri penetralibus abdita Pindi,
 Nunc mihi fidereæ panduntur munere Divæ 25
 Uranies, nostrâ cui nil jucundius arte.

Vos igitur, vos dulce patris cognoscere nomen
 Qui cupitis, pulchrósque in sæcula fundere natos,

Con-

Conspicite attenti, quo tempore, quâ-ve sub horâ
 Quodlibet emergat Sidus; quo lumine actum
 Saturni, Jovis, aut Martis; quos Delius ignes
 Torqueat in Venerem, Lunam, Atlantîsve nepotem,
 Nec vos hoc studium deterreat; omnia nam sunt 5
 Perspicuis tabulis signata volumina cœli,
 Atque in Ephemerides rectâ ratione relata,
 Quæ legere haud pigeat. Sed & horis bis duodenis
 Quotidie ætherei vertigo absolvitur orbis,
 Ut quocumque velis sub Sidere basia figas. 10

Nec satis est pulchræ quâ cœlum congruit Arti
 Noscere, & ad Venerem magis aptum assumere tempus.
 Sunt alia, ô Sponsi! vobis momenta tenenda.
Ne premite uxores (quidquid prurigo fatiget)
Dum fluit in latebras uteri, multâque pererrat 15
Menstruus illuvie, resaratq; cava oscula sanguis.
 Si faciatis enim, cœnosâ uligine semen
 Extinctum, forsân coïtu vanescet inani;
 Nec dabit optatam turpis lascivia prolem.
 Non secus ac madidos si tritica sparget in agros 20
 Agricola imprudens; lætas haud cernet aristas;
 Rustica nec flavas cumûlabunt horrea messes.
 Si tamen humentem qui stillat sanguis in alvum
 Non vetet impuro coeuntia femina nexu;
 Quàm misera emerget proles! Elephanticus infans 25
 Nascetur, foedaèque feret contagia lepræ:
 Quippe venenatâ quâ sordent menstrua labe,
 Hac etiam pueri radix vitiata laborat.

Ecquid

Ecquid enim fæce hac muliebri tetrius ufquam eft?

Si cadet in vites effufa faburra novellas;

Si teneras fruges, aut infita germina tinget;

Omnia marcescent subito quafi fulgure tacta.

Si canis hanc fæcem fitienti glutiet ore;

5

Hunc aget infanum rabies exorta repentè.

Ergo hujus Veneris lutulentas fpernite. Sponfi,

Illecebras, nitidifque uteris infpergite femen.

Vos etiam, ô lepida uxores! quæ grata virorum

Bafia, confufis labiis, ulnifque fovetis;

10

Proh pudor! baud natibus nimum criffantibus, aliam

Perturbate operam: crebris fubfultibus, omnis

Mafcula vis, utero vix connivente, fatifcet;

Quaque fubinrrarat, refluet difperditus humor.

Imò & fœcundâ fi fortè hærebit in alvo,

15

Motibus immodicis excuffum femen utrimque,

Invalidos fœtus divulfis partibus edet;

Nec veftri optando gaudebunt robore nati.

Namque ut naturæ penetralia cæca recludam,

Solertifque oculos fubeat genitalis imago,

20

Hæc legite, atque uteri genuinam attendite formam.

Eft locus in fpatiis latitans abdominis imi,

Diftinctus modicâ cavitare, pyrique figurâ;

Ductilis hunc membrana, rotundæque inftar alutæ

Efformat; quam vena duplex, arteria, nervus,

25

Sanguine fpiritibufque rigant è corpore toto.

Hunc uteri fundum vocitant; hunc linea recta

In dextrum lævumque fecat: Mas creditur alveo

In

In dextro; in lævâ coalescere foemina cellâ.
 Hæc via per ductum oblongum, quo penis amicè
 Stringitur, & calidum semen jaculatur in antrum;
 Collum uteri Phisici dixere; huic intima cervix
 Adnata, abstrusos claudit mirâ arte recessus; 5
 Dum ruat in Venerem rigidâ tentigine fervens;
 Et pulchram meditans valido molimine prolem.
 Sponsus aret dulci naturæ vomere campum.
 Quippe ad masculeum semen se proripit hiscens
 Os uteri, fuctûque cavam prolestat in alvum 10
 Spumantem humorem, & muliebri semine miscet.
 Sic ergo in sese cavitas uterina reducta
 Subsidit, cogitque arctis amplexibus albam
 Sementem, humani foecunda exordia nati.
 Qualia ab ingesto persentit gaudia succo 15
 Ventriculus, quem dira fames divellit inanem;
 Talia concipientem uterum solatia replent.
 Unde agiles nimium, motantesque inguina coxæ,
 Delicias omnes, effusæque femina perdunt.

Nec mihi displiceat quorumdam hæc vota Parentum
 Ritè secundare, & gratam præscribere normam 21
 Quâ generare mares valeant; nam mascula proles,
 Stemmata, magnorumque decus sustentat Avorum.
 Nec defunt qui foemineam sermone maligno
 Dedecorent sobolem: pravo quasi devia lapsu. 25
 Frustratæque operâ, Natura invita puellas
 Gignat, & in terras effundat amabile monstrum.
 Sed stolidum errorem melior sententia vicit,

Et

32 CLAUDII QUILLÉTI

Et blandum merito sexum donavit honore.
 Nos tamen interea maribus præcepta ferendis
 Scribamus; dudum ut vigeant ingentia Regum
 Nomina, Patrîtique altâ de gente nepotes.

Inprimis vegetos, vivóque calore micantes 5
 Exultare mares, rectâ ratione periti
 Agnovere Sophi. Suadent hoc firma virorum
 Robora, masculeòque acres sub pectore vires;
 Impavidíque animi vigor; & civilibus aptum
 Ingenium; & longo mens indefessâ labore. 10
 Ergo ut masculeam certo conamine prolem
 Conjugia instaurent; calido sibi sanguine venas
 Impleri, appositâ victus ratione laborent.
 Ecquis enim in vasis semen genitale subactum
 Sanguineo ex humore neget, quùm plurimus album 15
 Spiritus inducat, spumâ candente, colorem?
 Unde dapes calido humentíque per intima succo
 Confertas juvet ingerere; ex his viscera ut almos
 Continuò eliciant ad mascula femina rores.
 Quin etiam aëreis turgere alimenta necesse est 20
 Spiritibus, dulcíque uteros gaudere vapore,
 Si tibi mens stabiles maribus firmare Penates.

Hic tales numerare cibos me recta docendí
 Lex adigat, nisi foecundis hos prodiga passim
 Natura uberibus, dextráque effundat apertâ 25
 Sufficiat geniale ad opus celebrare Lyæi
 Munera lætitiámque Dei: Nam vitis amicos,
 Masculeam ad prolem, præbet jucunda liquores;

Præ-

Præcipuè quæ Nectareis Burgunda racemis
Luxuriat; vel quæ Campanis exultat in oris;
Aïsiósque hilarat pretioso palmitē colles.

Vos ideo, ò lepidæ uxores quæis mascula cordi
Progenies, modici rutilantia pocula Bacchi 5
Ne pudeat miscere cibis; lætisque maritis,
Concordi, optatam ad sobolem, vos jungere victu.

Quin & temperiem vobis Natura tepentem
Indidit humentésque uteros, quos fervor Iacchi
Exacuat, maribúsque aptam contemperet alvum. 10

Nec tamen immodico vos indulgere juvabit
Lenæo; nimiis vini stagnantia rivis
Viscera, nativum minuunt vesana calorem,
Nec dare sufficiunt maribus primordia firmis.

Nōne mero Liber nimio prolutus, amicam 15
Dum strinxit Venerem, temulentáque basia fixit,
Obscœnam genuit crudo de semine natam,
Nodosis pedibus, pallentisque ore Podagram?
Usque adeo moderata regat Prudentia potus.

Nec tantum Patrem Bromium; sed & oscula Matris
Idaliæ, modico ore petant, quos masculus Hæres 21
Tangit, & ingenui cognomen nobile Nati.

Nimirum amplexus crebri nativa calorís
Munia corrumpunt; aqueóque serosa liquore
Semina, foemineæ reddunt accommoda Proli. 25

Ergo ubi rara Venus subigendis tempora succis
Æqua dedit; licuitque penum cumulare calentem
Prolifici humoris, mox fidera mascula læti

34 CLAUDII QUILLETI

Vir mulierque notent; calidis cœantque sub Astris:
Qualia sunt Aries; Gemini; fulvique Leonis
Sidus; & Æthereæ rutilantia lumina Libræ;
Chironisq̃ micans fulgor; radiantis & Urnæ.

Errantes etiam stellas, cœlestis Alumni 5
Vranies, aptas maribus novere creandis,
Saturnum, calidumque Jovem, Martemque ferocem:
Téque ô jucundæ lucis dator Auree Phœbe,
Quo cuncta expanso spirant viventia mundo.
Unde ubi masculeo in signo fulgebit Eous 10
Juppiter; aut rutilo fœcundus lumine Titan;
Exercete operam dulcem, Cypriumque laborem.

Matutina solent etiam producere gratos
Bafia læta mares: longâ nam cocta quiete
Semina, robustis ponunt fundamina natis. 15

Nec satis est utero calido excepiſſe feracem
Sementem; Est aliud soboles quo mascula surgat.
Seminei simul ut rores ab utroque Parente
Decidui, in blandos uteri subiere recessus;
Protinus in dextrum latus inclinata recumbat 20
Alma uxor: dextro sedenim concepta sub Alveo
Semina, masculeam formabunt fervida prolem,
Quis nescit lævis dexteras præcellere partes,
Confertoque vicens corpus refovere calore,
Unde Mares perhibent dextris de partibus ortos? 25

Imò & Naturam quos Arte juvare parentem
Cura tenet, stricto lævum constringere nodo
Testiculum satagunt; dextro ut de flumine totum

Semen

Semen eat, nec firmo operi fons lævus inuadet.
 Sic ubi robustos operosa ad aratra iuencos,
 Atque aptanda iugo colla optavere Bubulei;
 Florentes annis Tauros, lævisque revinctos
 Testibus, in pulchras incendunt ritè iuencas. 5
 Tanta mares passim gignendi cura fatigat!

Quid pronum hîc laudare viri, uxorisq; supinum
 Concubitum juvet? horrendas quid pandere causas
 Informis molæ? quid monstra? quid Hermaphrodito?
 Omnia jam vulgata? sed & mihi casta Camœna 10
 Ora verecundo monstrans suffusa pudore,
 Obstrepit, & leviter vultus admurmurat aures.
 Lascivum calamum siste, inquit; honestaque verba
 Ingenuam condant castis sermonibus Artem.
 Fescennina pudent Musas, & cœlibe vate 15
 Digna parum, Paphiis sunt admiscenda choræis.
 Obsequor; & Cypriæ reticens mysteria tedæ
 Jam coalescentes accingar dicere foetus.





CALLIPÆDIÆ

LIBER TERTIUS.



ARGO ubi conceptus certissima signa
recentis

Elucet, ut qui dulcis genitalia tentat
Horror; & admissum semen testata
voluptas;

Osque uteri penitus clausum; men-
sésque retenti;

Hincque redundanti turgentes sanguine mammæ. 5

Protinus ut pulchri concrecant membra puelli

Curam adhibete Nurus. Prægnantum incuria germen

Corrumpit plerumque, obtortaque corpora reddit.

Sed quia se nostræ cœpit jam prodere menti

Natura, & lepidos placuit penetrare recessus; 10

Dicamus, quæ foeta uxor se tempore primo

Conceptus geret, ut pulchra incrementa capebant,

Qui bene commixto coalescunt femine foetus.

Vos modò, Pierides, castissima Numina Musæ,

Parcite, si Veneris repetitum pagina nomen 15

Crebra sonet, vestrasque iterùm perducatur ad aures.

Amplius huic nullam laudem dabo; pestis acerba

Præg-

Prægnantum Venus est, pulchrumq; opus improba fœdat.

Namque Cupidineo mulier si pruriet œstro,

Conceptumque novo, turbabit semine semen;

Fortè super-fœtans, conniventisque recluso

Ore uteri, malè concretam super-ingeret offam. 5

Aut motis, coïtu nimio, haud impune, pudendis,

Vix-cœptum crudo fœtum deponet abortu.

Ceu quum Vere novo, Cerasuntis fertilis arbor

Parturiit flores, rubri primordia fructus;

Pulchrâque Virgineis promisit fercula mensis: 10

Hujus si teneros agrestis dextera ramos

Concutiet motu nocuo; ipem diruet omnem

Æstivæ Pomonæ, & primula munera perdet.

Concubitus igitur crebros quos fœta frequentat,

Quis non damnabit? quum nec lasciva capella, 15

Obscœnaëque lupæ subeant hircósque, lupósque.

Dum gravidos gestant accepto semine ventres?

Sed locus hic, cœptique operis subjecta requirat

Materies, ut prægnanti quis victus alendæ

Sit melior, pulchraëque canam præcepta diætæ. 20

At quoniam docti hæc passim scripsere medentes,

Nunc mihi præcipuum labor est attingere Punctum.

Ut primum humanâ commixtum ebullit in alvo,

Æternóque animo fundat pulchra atria semen;

Tu satage, ô Prægnans, ne tristibus anxia curis, 25

Atra melancholica offundas phantasmata menti:

Nec turpes oculis facies, aut sordida monstra

Objicias; simulacra tibi obversentur ubique

Formosa,

Formosa, & latos semper recreantia visus.

Namque ubi fervet opus Naturæ, spiritus alto
De cerebro affusus, calidâ se miscet in alvo
Prolifico humori, partésque hunc versat in omnes;
Quásque gerit species invicto robore cudit;
Unde novam sequitur subjecta potentia legem.
Formatrixque typo nonnunquam cedit iniquo.
Sic ubi, triticeâ in matrâ, diluta tepenti
Flumine, fermentoque acri prægnantia turgent
Farra, tumétque calens ferventis massa farinæ: 10
Si manus adveniat pistoris, crustula fingit
Omnimoda, & libi genus omne, omnisque figuræ.
Sic quoque semineam versant phantasmata molem.
Nec solum hæc fero sunt observata sub ævo;
Aut veteres latuere Sophos. Nam quis tua nescit 15
Semiferis horrenda toris natalia Chiron?

Oceani proles pulcherrima Phillyra quondam
Saturni pectus rapido inflammarat amore;
Utque senex tantæ impatiens incendia flammæ
Ferre diu haud poterat; teneræ insidiatur, amantis 20
More Dei; & lepidæ molitur stupra puellæ.
Fortè in natali ludebat littore Nympha
Nereïdum comitata choro; quum falcifer ardens
Hanc rapit, & nemorum latebrosâ in devia ducit.
O quantos gemitus! quanta ô suspiria fundit 25
Phillyra, dum raptum sibi virginitatis honorem
Sentit, & hirsuti foetentia basia Divi!
Hanc mater Cybele cœlo exaudivit ab alto,

Lasci-

Lascivûmque olidi scelus indignata mariti,
 In medium irrumpit; violatâque fœdera lecti
 Ulta, voluptates & adultera gaudia turbat.
 Hanc adventantem ut vidit Saturnus, equinâ
 Ocyus indutus specie, se subripit iræ 5
 Zelopytæ uxoris, sylvâque reconditur atrâ;
 Dum gemit arboreâ deserta puella sub umbrâ
 Virgineum florem excussum, labémque pudoris.
 Nec tamen interea senis insinuata salacis
 Semina, pulchrum uterum formosâ prole bearunt: 10
 Sed postquam noni accedunt fastidia mensis;
 Maturûmque uterus gestit deponere fœtum;
 (Horresco referens) caudâ se prodit equinâ
 Semiferus, dorsóque & cruribus hispidus infans.
 Quis memorare queat quos pulchra puerpera fletus 15
 Fudit, inhumani partus opprobria lugens?
 Vos, ô cærulei nitissima Numina ponti
 Nereïdes, querulæ miseratæ damna Sororis,
 Dicite, quæ vestros lacrymarum copia fluctus
 Turbavit? quo planctu imæ gemuere cavernæ? 20
 Me-ne (ait) immeritam stupro violavit iniquo
 Antiquus Divûm Pater, ut mea viscera fundant
 Prodigia obscenæ prolis, monstrûmque pudendum!
 Quin potius Lucina tuo exanimata furore
 Occubui, & dirus properavit funera partus! 25
 Non adeo invisum Superis caput, Astra malignis
 Obruerent radiis, pejorâque fata pararent.

Dixit, & immodicis animique & corporis ægræ

40 CLAUDII QUILLETI

Torminibus, mediis languens vox faucibus hæsit;
 Et gelidis maduere udi sudoribus artus.
 Hanc ubi deficientem animo, pia turba Sororum
 Cernit, opem medicam subito parat; atque liquore
 Cardiaco, actutum dilutam porrigit Ambram, 5
 Quam Pater Oceanus divino promit ab alveo
 Ut fugientem animam recreato in pectore sistat.
 Utque novas sensit vires, lucemque reductam
 Nympha gemens; coepit mœstas iterare querelas;
 Tartareâsque domos, Stygiâmq; optare paludem: 10
 Dum levis obrepit somnus, qui fessâ benignâ
 Membra levat requie, & cerebro phantasmata læta
 Obtendens, variâ demulcet imagine mentem.

Tunc se sopitæ Nymphæ dedit altera Nympha
 Conspicuum, variis rerum celeberrima formis, 15
 Phantasia, instabilis vultu; nunc mole pusilla;
 Nunc ingens; nunc splendenti candore corusca;
 Nunc atris obscura genis: exinde colore
 Diverso exultans, diversisq; inde figuris.
 Hanc rerum innumeræ species; hanc ordine nullo 20
 Circumstant, simulacra modis volitantia miris.
 Sed lepido tandem ore nitens, hac voce jacentem
 Aggreditur, somniquæ leves intercipit usus.

Parce genas lacerare, tui causa ipsa doloris
 Phillyra; quæ crebrâ Saturnum mente revolvens 25
 Acris equi formâ indutum; hinnitûque ferocem;
 Hoc corrupisti fœdo phantasmate prolem.
 Namque ego, quæ species humanis mentibus omnes

Offero,

Offero, & internum moveo per singula sensum;
 Te quoties vidi recolentem hirsuta ferini
 Membra Dei: quum te stupratam liquit opaco
 In nemore, uxorísque procácia jurgia fugit.
 Hæc fera quadrupedis species, hæc turpis imago 5
 Usque tuo obversâns animo, calidísque recepta
 Spiritibus, pulchrúmque uteri bacchata per antrum,
 Humano dorsum capiti conjunxit equinum.
 At tibi prægnanti si mens non læva fuisset;
 Nec me tam fœdam toties tibi pingere formam 10
 Jussisses, tua divino de semine proles
 Incorrupta foret, nec turpi mixta figurâ.
 Ut tamen ægroto quædam solatia cordi
 Ferre queam, tristémque animi sedare dolorem;
 Accipe Philyridem quæ fors manet optima natum. 15
 (Credere nec mihi te pigeat, nam conscia fati
 Sæpe fui, nec semper inania somnia fingo.)
 Ille tuo exiliens utero qui prodiit infans,
 Quum pueri & juvenis crudos superaverit annos;
 Maturúmque virum prudens effecerit ætas; 20
 Nil sapiet vulgare; animo super æthera vectus
 Omnia pervadet magni penetralia mundi:
 Abdita non illum Naturæ arcana latebunt:
 Herbarum vires, rapidíque volumina cœli
 Callebit; nec mentis opus studiúmque sagacis 25
 Ingenii, imminuent villosi tergora dorfi.
 Ipsa quoque æterno Nerei de semine creta.
 Pulchra Thetis, natum ipsa tuo concedet alendum

Chironi, sobolique tuæ submittet Achillem.

Hæc fata, in tenues evanuit ocyus auras
Phantasia, & vigilem fugiunt phantasmata Nympham.

Hoc somno erectas vires & gaudia sentit
Phillyra, vesanâsque levant insomnia curas: 5

Quæ dum mente agitat, versâtque examine crebro,

Reddita lux oculis tandem, & solatia cordi.

Sed quoniam tam sæva tulit sibi tædia fœdi

Objecti species; posthac nec grandia Cete;

Nec turpes magno nantes in gurgite Phocas; 10

Cæruleos nec Delphinas; nec te quoque, Protheus

Cernere dignata est; nec vos Tritonia Proles:

Affiduis sed Nereidum permixta choreis,

Nil nisi formosos respexit provida vultus.

Vos ergo, ô gravidæ! si mens est edere natos 15

Corporis egregii, solertem impendite curam,

Ut semper subeant oculos pulchra omnia vestros.

Si puer in votis lepidus; formosus Apollo

Formosâ vestros delectet imagine visus:

Aut qui infelicem Corydona urebat Alexis. 20

Si magis arridet præstanti foemina formâ;

Conspicite aut Venerem, qualem Titianus amcenâ

Depinxit tabulâ: aut Danaën pulchro ore nitentem,

Dum pluvio hanc implet Genialis Juppiter auro.

Si tamen & nostri decus haud ignobile sæcli 25

Susplicere est animus; pulchræ obversetur imago

Phyllidis, in nostros qualis fuit obvia sensus,

Dum nos vesano quondam torrebat Amore.

O quàm conspicuâ fulgebat mira juventâ !
 Quæ roseo ore magis? niveâ quæ fronte puella
 Candidior? quæ grata magis se corpore toto
 Exhibuit moles? & amandos fusa per artus
 Blanda Charis, spirânsq; omnis per membra Cupido? 5
 Verùm ô humanæ nimia inconstantia fortis!
 Floridus hic periisse decor jam cœpit, & ævi
 Conditio infelix lapsos desiderat annos:

Jam rugæ subeunt: jam dens obscurus hiulco
 Ore patet, raróque albescent area crine. 10
 Atque adeo nostras quæ quondam flamma medullas
 Pascebat, nunc extincto fervore quiescit.
 Nunc sævos Phyllis mutata trucidat Amores;
 Et quæ pulchra malum dederat, dat foeda medelam.
 Hanc ideo ut diversam hodie se monstrat ab illâ 15
 Quæ fuit, effugite ô foetæ; ne turpis inurat
 Effigies, turpem concepto in semine formam.

Nec me hîc prætereat Chariclææ candidus ortus,
 Et nivea Æthiopi facies contraria matri.
 Nam dum admissum utero semen Persina fovebat, 20
 Andromedes tabulam candenti fronte decoram
 Acriùs inspectans, simulacra albentia traxit:
 Unde à maternâ nigredine degener orta
 Filia, quot casus, terrâ jactata marique;
 Quot subiit sævæ repetita pericula mortis! 25
 Donec nudorum antistes tunc fortè Sophorum
 Sisimithres, miseræ reclusit fata puellæ,
 Atque albi causam vultus detexit Hydæpi.

Sed quoniam, ô calidæ Meroës venerande Sacerdos!

Quæ simulacra refers patrium mutasse colorem

Virginis, haud aperis quo robore prædita, tanto

Suffecere operi; liceat mihi mente sagaci

Quærere, quo Natura modo hæc miracula præstet.

Nec mihi sufficiant Stagiritæ dogmata, vanâ

5

Decantata scholâ, majorisque indiga lucis.

Ast hortis, Epicure, tuis, unde abdita rerum

Principia educam, fas sit succedere, nostro

GASSENDO monstrante viam, quo doctior alter

Nec melior quisquam, Naturæ arcana latentis

10

Eruere, & cæcas potis est referare latebras.

In primis magno in mundo aspectabile quidquid,

Oppositisque ferit sensus, corpuscula quædam,

Subtiles tanquam exuvias, hinc inde fluore

Continuo, circumfusas dispergit in auras:

15

Atque hæc cunctarum rerum simulacra vocantur:

Quæ simul impigris pennis, motuque volucris

Prædita, vel minimos gaudent penetrare meatus,

Implicitisque atomis sensoria quæque pererrant.

Né-ve hîc, assiduis credas effluxibus, ipsam

20

Corporei objecti molem debere minorem

Agnosci demùm, magnaque ex parte fluentem.

Namque hæc pertenues cùm deripiuntur abundè

Bracteolæ; subeunt aliæ, leviterque subintrant;

Unde novo accessu cita compensatio fiat.

25

Imò has concisas adeo exilisque putabis

Effigies rerum, ut quæ defluxere per annos

Centenos,

Centenos, simul aggestæ vix lumina tangant;
 Nec possint vel araneoli contexere stamen.
 Nec magis ipsarum motum inficere volucrem:
 Namque leves Solis radios, fluxúmque perennem
 Lucis, & ætherei prævertunt sidera mundi; 5
 Usque adeo rapidis alis simulacra feruntur!

Ipse quidem è rebus quæ sunt derepta venustis,
 Leniter afficiunt oculos, sensúmque titillant,
 Quippe suo lævare placent; globulísque rotundè
 Contextis, pupillam aditu solantur amico, 10
 Irrepúntque poris quibus intertexta patescit.
 Mox animæ ipsius substantia convenienti
 Idolo exultans, calidi penetralia cordis
 Lætitiâ suavi distendit; & ipsa refundens
 Jucunda simulacræ rei, per mollia spargit 15
 Viscera, maternâque agitat glomerata sub alvo:
 Queis dum formatrix concepto in semine fervens
 Afficitur Natura, novâ mox concita normâ,
 Pulchrum textit opus, pulchræque ad imaginis instar.

Ad si de turpi erumpent idola figurâ, 20
 Asperitate ferâ fodient, oculósque, animúmque:
 Et, quasi spicululis infesto stamine juncctis,
 Invadent tristes sensus, mentémque lacessent.
 Unde atrox odium mox surget, & anxius horror,
 Quo contracta gement præcordia, foedâque trudent 25
 In latebras uteri, foeda simulacra figura.
 Tunc ideo teneræ prolis qui membra Prometheus
 Finget, ad obscœnam speciem sua diriget orsa,

Infra-

Infamique typo turpis signabitur infans.

Nec stupeas inclusum utero, matre ocyus ipsâ,
Mutari facilem vari ad signacula foetum.
Nimirum ut mollis qui pendet ab arbore fructus,
Grandinibus diris, & sævi flatibus Euri 5
Obfistit leuius, gravioraque damna capeffit,
Quàm qui lignoso durefcit robore caudex.
Sic uteri appendix foetus, liquentia membra
Sortitur, minimis etiam magis obvia noxis.

Ergo per integrum gestandi tempus, imago 10
Mente vigens, animæ formantis dirigit almam
Sæpe opëram, lepidæque evadit regula formæ.
Viscera prima quidem, & totius flamina molis
Corporeæ, Natura insternit tempore primo.
Dein reliquos artus affuso sanguine fingit; 15
Carneaque adjunctis infercit membra lacertis;
Extenditque cutem, frontemque exornat & ora.
Unde nihil volvas animo; nil lumine fixo
Inspectes, quod fortè notis deturpet iniquis
Pulchrum opus, & recto Naturam è tramite flectat. 20

Nec fatis est animum lepidis mulcere figuris.
Corporis immodicos motus, crebrâsque choræas
Vitet foeta uxor; præsertim tempore primo
Conceptus; necnon ubi maturefcere foetum
Postremi ostendunt menses, partumque minantur. 25
Quippe ligaminibus teneris, per tempus utrumque
Conniventi utero foetus suspensus adhæret;
Unde abigat crudum, torto vel corpore turpem

Sæva parens; rapidis si vibret saltibus artus,

Concutiátque lævi membra exilientia plantâ.

Utque, feni Coe, violento exercita saltu

Psaltria, concretæ genituræ exordia prima

Prodidit; & coeptæ corrumpit stam'ina prolis:

5

Sic etiam octavo quæ Bacchanalia saltat

Mense nurus, grandis disrumpit vincula foetus

Præproperè; & fuso exundantis sanguinis amne,

Difficili partus; poenas pro crimine pendit.

Ergo quis insanis celebrantes Orgia ludis

10

Prægnantes ferat? &, streperâ invitante palæstrâ,

Alternò implicitas per mutua brachia nexu?

Quum tamen hîc solitis vos interdico choræis

O gravidæ! haud me ideo nimiam laudare quietem

Credatis; nec vos teneat contrarius error.

15

In cunctis servare modum ratio optima suadet.

Nec foetam lento juvet indulgere veterno;

Ducere vel residem male-sana per otia vitam.

Desidiâ humorum densam cumulante saburram

Nativus calor obruitur; nec se Enthea virtus

10

Formatrix, recto foetus lineamine possit

Exerere, & pulchras membrorum effingere formas.

Sed gravidas modicus recreat labor; atque latentis

Dum sensim referat spiracula cæca caloris,

Expurgat crassâ oppressâs fuligine partes;

25

Unde infans, uteri tenebroso carcere clausus,

Transpiret meliùs; vegeto & se robore firmet;

Quo novus immensum civis prorumpat in orbem.

Quæ

48 CLAUDII QUIILETI

Quæ tamen hîc exercitia, aut quod nostra laboris
Ars genus edoceat prægnantem? an vecta patenti
Curriculo, aut placidis læta ad viridaria bigis
Leni corda levet motu, atque exerceat artus?

Præcipuè umbrosis ulmorum ubi semita frondet
Ordinibus, virides quâ lambit Sequana ripas,
Parisiûmque solum vitreïs interfluit undis?

O quantâ exultans percellunt gaudia pectus
Dum sese innumeris volitantes axibus addunt
In spatia, & crebris remeant loca confita gyris
Intonsi juvenes, pulchrâque ætate puellæ! 10

Hic curru aurato, rapidisque invectus Ephebus
Gaudet equis: flavo per eburnea colla capillo
Conspicuus, chlamydem clavis auróque micantem
Ventilat, & varias radianti vertice plumas, 15
Eximius rutilo quas pileus explicat orbe.

Parte aliâ, fronte albenti, lepidisque comarum
Cincinnati, tremulis oculis, strictisque mamillis
Præterit innuptâ Virgo spectanda juventâ,
Hinc atq; inde patens. Hanc pronus Amator adorat. 20
Illa salutantem blandis resalutat ocellis;
Et gratum nutu grato solatur Amantem.

Hæc sanè jucunda hilarent spectacula nostram
Prægnantem, dulcique agitent præcordia sensu.
Ast ubi, finitis excursibus, appetit omnis 25
Rheda domum, fervetque rotis creberrimus axis;
Tunc rapido in patulam celer irruit impete portam
Auriga: hic laxis alium premit acer habenis:

Alter

Alter & effuso certat prævertere cursu;
 Hinc fragor; hinc, volucrum radiis persæpe rotarum
 Effractis, aperit resupino crure Puella
 Quas sinus abscondit casto velamine partes.
 Quóoque cheu vidissè piget! dejecta cruento
 Nonnunquam casu, mollis virguncula, læsam
 Ingemit, aut frontem, aut oculos, malásq; rubentes.
 Hæc ideo vitet cursus certamina Prægnans;
 Et tardo cedens gressu Portam ultima claudat.

Namque & collisæ quamvis innoxia rhedæ
 Sors faveat; tamen & gravidam metus ipse cadendi
 Conturbans, diro forsân vexabit abortu.
 Quippe coit gelidâ pressus formidine sanguis
 Confertim; cordisque cavos uterique recessus
 Obruit affluxu subito, jugulâtque calorem.

Unde ego maluerim crebro resonantia curru
 Vitari spatia; ut cultos secedat in hortos,
 Et pedibus spatiosa suis per amœna vireta,
 Hauriat optandas Zephyris mulcentibus auras,
 Quæ facere eximiâ cupiet se prole Parentem.
 Quum verò hiberni penetralia frigora Soles
 Inducent, tristi glacie, canisque pruinis;
 Arboribúsque comas vellent, & gramina campis;
 Quò tandem te foeta geres? An clausa tepenti
 Sub thalamo, Boream falles brumamque rigentem,
 Nec te usquam gelidi premet inclementia cœli?
 Atria operta quidem, ventisq; impervia multum
 Tecta probem, quibus immites traducere menses,

50 CLAUDII QUILLETI

Et validum possis felix educere foetum.

Sed quoniam modico nonnunquam Aquilone serena

Ridet hyems, nitidâsque brevis sol exhibet horas;

Has læta impendas civiliter in visendis

Matronis nuribûsque, tibi quas proxima jungunt

Compita, confinîque placens vicinia tecto.

Hic dulces miscere jocos; hic seria ludis

Diluere, & tumidi liceat fastidia ventris.

Quôdque piæ dudum tibi præcepisse fidelis

Debueram. In primis summum venerare Parentem; 10

Qui te foecundo vivum de femine foetum

Concepisse dedit, partûsque ad tempora servat.

Hujus adi sacra templa frequens; semperq; colendas

Muneribus cumula, sanctis & honoribus Aras:

Ut demum fausto proles tua Numine fusa,

Transfigat inœcuum laudandis moribus ævum;

Et mentem patrio cœlestem reddat Olympo.

Atque has à primo conceptus moraine leges

Observes; donec, valido conamine, foetus

Erumpens utero, materna repagula pulset.

Imò & maturi quum jam jam tempora partus

Instabunt; lucisq; Puer majoris egenus

Gestiet æthereas tandem se prodere in auras;

Tunc quoque provideas ne proruat impete pravo,

Difficile ortu corpus distorqueat infans.

Cerea, si nescis, hoc tempore, membra miselli

In quamcumque (nefas!) formam ducuntur ineptè;

Et sæpe illepidam sortitur Agrippa figuram.

Atque

Atque ideo extentis pedibus si prodeat; aut si
 Hanc illám-ve manum muliebria ad ostia tendat;
 Vel clune obverso natales tentet acerbos;
 Mox fida obstetrix, habilis molimine dextræ,
 Corrigat errantem motum, in meliúsq; reducat: 5
 Dum capite educto primùm, reliquóque sequente
 Corpore, se facili promat conamine Natus.
 Unicus hic etenim cunctis nascentibus aptus
 Est modus; ut primo in coelum se vertice prodant.

Nec satis est egressu agili emerfisse venustum 10
 Infantem; ni legitimi nova pignora lecti,
 Appositís-ve tener cunis foveatur alumnus.
 Præcipuè caveas ne duro fascia gyro
 Molliamembra premat; né-ve ipso à limine vitæ
 Inducat tortam Nutrix improvida formam. 15
 Nónne incomposito quæ sæpe volumine cingunt
 Vincula stricta latus Pueri, costásque tenellas,
 Gibbosum faciunt deformi tubere dorsum;
 Elatásque humeris alas surgentibus addunt?

Quin etiam multi vexant puerilia morbi 20
 Corpora, queis lenem properes adhibere medelam;
 Si cupis innatum prolis fervare decorem.
 Imprimis quæ materni exanthemata gignit
 Sanguinis illuvies; papulásque inhonesta minantes
 Ulcera, follerti Pæan medicabitur arte. 25
 Ridentes ne fortè oculos, nasúmque, genásque,
 Lævorémque cutis corrumpat foeda cicatrix.
 Heu! quot Virgineos immani strage lepores

Perdidit hæc immunda lues! quot lilia fronti
 Chloridis eripuit, tenerosque occidit amores!
 Ipsa Deæ quondam similis Galatæa, priusquam
 Sordida sensisset tetra contagia labis,
 Nunc tanti morbi feritate, cavata genarum 5
 Marmora, & acre malum luget stillantis ocelli.
 Ipse quoque innumeræ quem deperiere puellæ,
 Deliciæque sui sexus formosus Amyntas;
 Postquam dira luis foedarunt stigmata vultum;
 A cunctâ passim jam fastiditur Amante. 10
 Quum tamen hæc ad Pæonios pia cura Nepotes
 Spectet, & exilis superet molimina Vatis,
 Haud ego sustineam tanto succurrere morbo.
 Præterea nostræ quis cœpta audacia Musæ
 Ferre queat; si quæ docto modulamine, Magne 15
 SAMMARTHANE, tuâ legimus cantata Camcenâ,
 Hæc eadem illepidò vanus clangore recantem?
 Vos potiùs teneræ ætatis pernoscere pestes
 Quos juvat, & pulchro labem hanc avertere ab ore.
 Vos SAMMARTHANI divina Poëmata, crebrâ 20
 Pertractate manu, doctasque evolvite chartas.
 Hic totas Heliconis aquas; hic flumina Pindi
 Tota hausit; nullam non novit Apollinis Artem.
 Interea nostræ succedant otia pennæ;
 Et quæ Pegaseo in cœlum subvecta volatu 25
 Abiectam despexit humum, nunc præpete lapsu
 Subsidens, placidâ demum requiescat in umbrâ.
 Fors erit ut quondam redeuntem pectora Phœbum

Admittant, pulchræque canam consortia Mentis,
 Atque incorruptos formoso in corpore mores.
 Ecquīs enim crassâ errorum caligine cæcum,
 Aut foedum vitiis Animum, speciosa cientem
 Membra ferat? vel coelesti de culmine fusam
 Misceat obscenæ Telluris sordibus, auram?
 Sed tantæ rationis opus, conamina tanta,
 Ferrea vix nostri mereat vesania sæcli:
 Quippe hodie virtutis amor, studiûmque pudoris
 Exulat, apparétque ullus vix cultor honesti:
 Ex quo ad perpetui furialia munera Martis,
 Nostra peregrinos adscivit Gallia mores.
 Vos adeo (Indigetes Divi) quos Celticus orbis
 Tangit, & Hectoreæ desciscens gloria gentis;
 Vos tristes mutata vices; Regnîque fatiscens
 Sustentate decus; dulcémque inducite Pacem;
 Ut tandem innocuas recolamus Palladis artes,
 Inque suum redeat pretium Parnassia Laurus.





CALLIPÆDIÆ

LIBER QUARTUS.



UÆ tamen ignavam pertentat barbarâ
 mentem? *Quid tamen? Quis? Quis?*
 Segnities? nostrâsne diu obmutescere
 Musas,
 Aut patiar lento Phœbum torpere ve-
 ternos?

Haecenus egregios vultus, artûsque venustos
 Diximus. Hic superest operis pars optima nostri. 5
 Hic Hominis cœleste decus, Mentisq̃ue canendâ
 Nobilitas, pulchrôque micans in corpore Virtus.
 Tu Dea, quam summo de vertice Juppiter almus
 Fudit, & illæsum jussit servare pudorem;
 Ingenuâsque artes colere; & probitâtis honestos 10
 Exercere modos, sanctôsque inducere mores,
 Casta Minerva fave. Non hîc Cytherea profanas
 Miscebit flammâs, olidæque incendia tedæ;
 Sidereum spirant præcordia pura furorem.
 Ex quo è dilutâ finxit tellure Prometheus 15
 Os sublime hominis, cœlestêmque indidit ignem,

Quo

Quo mens æthereis splenderet congener Astris;
 Sæpius insanæ superos tetigere querelæ.
 Divinâ licet effigie, æternoque decore
 Conspicius, sua stultus homo primordia damnat,
 Incusatque Deos, dirisque innoxia verbis
 Fata onerat; quod maternâ ejiciatur ab alvo
 Nudus, ad humanæ miseranda incommoda Sortis.

Quid me (ait) avulsam Phœbeo è sidere flammam
 Accepisse juvat, calidoque in corde vigorem
 Æthereum, & divæ lumen spectabile Mentis,
 Si cunctarum orior rerum indigus? inscius? insans?
 In duram projectus humum velamine nullo?
 Et miserum querulis signans vagitibus ortum?
 Ipsa etiam obscœnum pronâ spectantia fronte
 Bruta solum, tamen ingenito sibi robore gaudent;
 Adnatisque armis lædentia quæque repellunt.
 Quadrupedes servant densæ per corpora setæ,
 Cornuâque, & duram quæ roborat ungula calcem.
 Tutantur pisces squammæ; aëriâsque volucres
 Remigium alarum, & mordacis acumina rostri.
 Necnon omnigenas facili passim ubere nutrit
 Terra feras; cum me interea, ceu dira noverca,
 Perpetuo cogat victum sudore mereri.
 Imò hic, quo reliquis videor præcellere, splendor
 Sideræ mentis, crassâ caligine primum
 Obruitor, multosque diu cæcutit in annos:
 Donec me tandem rerum experientia segniss
 Instituat, vel morosi doctrina magistri.

Tunc

56 CLAUDII QUILETI

Tunc quoque quot subeunt teneram fastidia mentem,
Dum Veri abstrusum decus, aut discrimen Honesti
Quærit, & ingenuas extundere nititur Artes?

Dum Veneris rapidos fatagit compescere motus?

Immanisque feros iræ frænare furores?

5

Usque adeo humanam damnant Fata impia Prolem!

Scilicet hæc stolido erumpunt de pectore voces;

Has vesanus Homo effutit; quum Numen iniquum

Mentitur, justisque intentat crimina Divis.

Quis tamen ista ferat pravæ dicteria linguæ?

10

An tu delicias Orbis, terræque decorem

Inficiari audes Hominem, qui robore Mentis

Æternæ, & validæ rationis viribus, omnis

Naturæ tenet imperium, mundumque gubernat?

Lævia membra quidem, & nullo munimine tecta

15

Nascuntur tenero infanti; sed provida mater,

Quæ charo totis opibus succurrat alumno,

Non deficit; donec firmâ compagine corpus

Crescat, & innatum prodat mens inclyta lumen.

At simul eximio Ratio fulgore coruscat,

20

Subtilique acie rerum discrimina cernit,

Cuncta sibi parere jubet: Sectatur honesta:

Turpia declinat: Pallatia, moenia, leges

Condit: & ipsa suum quem conflare Tyrannum

Magna Elementa colunt, sublimiâque ora verentur.

25

Sæpe (fatebor enim) premitur Mens pondere densi

Corporis, arceturque polo: sed se tamen imâ

Tollet humo si quando volet; cognatâque tangens

Sidera,

Sidera, se patrio generosam reddet Olympo.
 Ardua non refero; proprio dum lumine sese
 Lustrabit coelestis Homo; terrestria spernet,
 Vanâque despecti ridebit frivola mundi.
 Hic tamen Arte opus est: etiam præcepta juvabunt 5
 Arcendum à vitiis animum; mentisque vigorem
 Exerere, innocuæ properabit Regula vitæ.

Non equidem inficior, pulchro quin sanguine cretos,
 Sideribusque bonis, morum comitetur honestas,
 Et patrum in natos abeat cum semine virtus. 10
 Pulchra tamen plerumque labant: & qui malè prolem
 Educat, hanc perdit, primordiâque optima vertit.
 Unde hic insanos possum incusare Parentes,
 Quos tam cæca tenet Natorum incuria, alendos
 Ut passim ignotis tradant Nutricibus; unde 15
 Innumera è tetro manent dispendia lacte:
 Namque ut corporeas fileam quas lactea noxas
 Pocula prima ferunt; ipsam quoque lædere mentem
 Lac solet, & pravos animi producere mores.
 Quis neget impurum meretricis ab ubere succum 20
 Exfugi; unde iræ, foedæque libidinis ignes
 Corda urant, castumque vetent habitare pudorem?
 Tu quoque fraterno maduit cui sanguine dextra
 Romule; cui raptas placuit temerare Sabinas;
 Et Latias vastare domos, & vivere rapto; 25
 Nónne fero de lacte Lupæ, mammisque cruentis,
 Atroces hausisti iras, animumque rapacem?
 Ergo ubi delecta est moris, lactisque pudici

Nutrix: ingenuis quæ sit sapientia nâtis

Indenda, attenti è nobis ediscite Patres.

Ipsâ etiam invitâ male-concreti indole nati,

Legitimis crescet studiis exercita Virtus.

Sic quondam assiduo Sophia indefessa labore,

5

Socratis infausto Genio, atque in prava ruenti

Obstitit, & pulchro perfudit luminæ mentem:

Unde per Argolicas sapiens celeberrimus urbes

Promeruit sacris nomen memorabile Delphis.

Non tamen hîc omnes morum conscribere leges

10

Est animus; sed summa sequens fastigia rerum,

Quæ pueris, quæ puberibus sint apta regendis

Præcepta, & teneras quæ flectant optima mentes

Consilia, apposito, quo sum potis, ordine pandam.

Principio, infantum dum muta superfluit ætas

15

Humore immodico, nec adhuc parva ora resolvit;

Tunc tantum satagas, ut mollia corpora dulci

Augescant victu; motuque exercita blandè

Firmentur, sumantque habiles per membra figuras.

Quippe sub hac ætate latet sopita recentis

20

Vis animi, nec-dum ingenito se lumine promit.

Sic ubi cæruleis Titan emergit ab undis,

Humentemque torum liquidæ fugit Amphitrites;

Vix minimos spargit radios, lucemque pusillam,

Donec in æthereas surrexerit acrior oras.

25

Sed postquam blæscæ distinguere verba loquelæ

Incipiet puer, humanasque emittere voces,

Mox curis animate piis Pater adveni; & alti

Jura

Jura Dei propera crescenti infundere nato:
 Ut quæ prima puer balbutiet ore venusto
 Verbula, divinas laudes, cælique benignas
 Virtutes resonent, fuscumque per omnia Numen.
 Si quando horrifonos comitantia fulgura bombos 5
 Æthera discindent, subitòque insueta fragore
 Pectora subvertent puero, incutientque tremorem:
 Huic Superum ultrices iras, animumque Tonantis
 Insinua; quod magno hominum Divumque Parenti
 Contemnat segnis meritum persolvere honorem. 10
 Sic Jovis injectus sapiens timor, æqua tenellæ
 Corda dabit proli, sanctæque exordia legis.

Forsitan & solâ tandem Ratione magistrâ,
 Nosse Deum posset felici fidere natus.
 Sed nullis Patrum monitis hæc fera veniret 15
 Notio, nec nisi provecto illucesceret ævo.
 Hinc cæcam miseror sortem, lugendæque fata
 Occiduae gentis, quæ nostris invia dudum
 Puppibus, adversis figit vestigia plantis.
 Hæc licet innumeros sæclorum viderit orbes, 20
 Mirandasque vices rerum, mundique tenorem,
 Vix tamen insertos sentit per singula Divos:
 Usque adeo Doctore opus est ut Numina noscas!

Nec satis est puero Jovis inspirasse potentis
 Imperium, cultusque sacros, sanctumque timorem. 25
 Ipsum etiam sic instituas, ut pectora nullis
 Assuescant odiis; cunctos sic diligat, ut quæ
 Displiceant sibi, non aliis infligere tentet.

Quid referam grato venerandos corde Parentes?
 Aut consanguineos, aut longævæ ora senectæ?
 Aut Themidis magnos Proceres, rerúmque magistros?
 Hæc sunt quæ Puero, vel ab ipso limine vitæ
 Præcipies, divinæ hæc sunt compendia legis. 5

Ast ubi paullatim crescens adoleverit ætas,
 Jámq̃ue capeffendis monstraverit artibus aptum
 Ingenium, mentémque habilem, verique capacem:
 Protinus ingenuis studiis se tradit adulti
 Vis animi, facilisque adeat prima atria Musæ. 10
 Nónne magis dociles ævi sibi vendicat annos,
 Mnemosyne Aonidum genitrix, mollémque cerebri
 Temperiem, & vegetos nativo robore sensus?
 Ergo quæ memori debent sub mente reponi
 Ocyus, ut variis accommoda nomina rebus, 15
 Ex Græco, Latíoque penu deprompta: vel ipsa
 Pulchri quidquid habet viventum lingua Quiritum:
 Gallicáque eximiis hodie ditissima libris:
 Quæque superba graves extollit Iberia voces;
 Gnaviter assiduáque operâ perdiscat ephebus. 20
 Ipse quoque interea veraces voluere curet
 Historicos; quibus æternis signata tabellis
 Heroum acta micant, longos memoranda per annos.
 Quis vesána ferat, falsáque strepentia famâ
 Facta virúm, qui nusquam ullo vixere sub ævo: 25
 Quíque leves vano pascunt phantasmate mentes?
 Has commentitias, & ponderis omnis inanes
 Historias, bonus assuescat contemnere tiro;

Nec

Nec nisi veridicis amet impallescere chartis.

Nec tamen altisonos pigeat versare Poëtas;

Entheus est ollis furor, & sapientia miris

Docta modis, lepidóque placens modulamine Virtus.

Sed pubescenti postquam nova robora nato

5

Accedent, primóque Animus turbabitur æstu :

Tunc satage ut Ratio studiis gravioribus ipsam

Se firmet, properétque feros componere motus.

Fervida corda quidem, & calidâ turgentia bile

Vix sapient: Vix in crudam Prudentia mentem

10

Intrabit; sed non ideo hanc obvolvet iniquo

Turbine tempestas, aut tristibus obruet undis,

Si modò fideream fundet Sophia optima lucem.

Maeste igitur generoso animo, virtutis amator

Strenue, ne cæcum rapiat te devius error.

15

Utque illibatum menti conferre decorem

Sis potis, & superis dignum traducere vitam :

Essè aliquos Manes, æternâque jura supremi

Crede Dei; quibus Astra bonos, horrenda scelestos

Antra manent; rectâque fluunt mortalia lege.

20

Hæc est vera Hominis sapientia; nobile mentis

Hoc studium; novissè Deum; sese quoque nosse;

Séque immortalem cognato reddere Olympo.

Sed quia Virtutum regitur chorus omnis ab ipsâ

Luce Intellectus, quâ circum-fusa Voluntas

25

Pergit ad innocuos facili conamine mores.

Hoc ideo inprimis cures, ut plurima Mentem

Notitia illustret, confusâque nubila cedant.

Novi

Novi equidem angustum miseris mortalibus ævum
Concedi; unde animum jucunda scientia Veri
Vix fubeat, densâsque abigat de mente tenebras.

Sive quòd innatum Rationis lumen opacâ
Nube tegant tetri fumantia corporis exta. 5

Sive quòd omnis inops lucis mens incia crebro
Indigeat sensu, rerum ut simulachra capeffat.
Quidquid id est, te perpetuo indulgere labori
Fata jubent, si pulchra animi ornamenta requiris.

Tu tamen omnimodas rerum pernoscere causas 10
Ne speres: nimis immenso se porrigit orbe
Mundus inexhausto specierum plenus acervo.
Sufficiet spectare ratio quo cuncta reguntur
Ordine, & æternas quas servant fidera leges.

Aspice quàm pulchrâ compage cohæreat ingens 15
Machina fidereæ molis: quàm fonte perenni
Luminis, in vastum Titan spargatur Olympum;
Fœcundétque leves radiis vitalibus auras.

Sive indefefsâ lustret vertigine terram
Ignivomis invectus equis: five ipsa rotetur, 20
Et circum immotum Solem vaga Terra pererret;
Cuncta movet Deus omnipotens; nec talia cæcus
Tam stabili dudum volvat molimine Casus.

Parce tuis, Epicure, atomis, sine numine textam
Congeriem astruere, & vanæ ludibria Sortis. 25

Ipsa licèt solidis præstent corpuscula rebus
Materiem; tamen, eximiâ Jovis arte, coacta,
Diversas mundo species tribuissè necesse est.

O quàm conspicuo Mens exornata decore
 Fulget, si rerum ortus & fœdera nosset!
 Quôtque modis Elementa suas miscentia formas,
 Omne genus lapidum; duri genus omne metalli;
 Gramináque & segetes; frondosísque edita sylvis 5
 Robora; squammiferos pisces, volucrésque canoras;
 Fœcundique armenta soli, pecudésque, ferásque;
 Cæteráque immensi componant corpora mundi!

Sed nosse humanæ præstat miracula molis,
 Divinúmque Animal; cuius veneranda potentem 10
 Ora Deum referunt; mortaliáque omnia lato
 Imperio, & validâ Rationis lege coërcent.

Nónne per expansum quidquid diffunditur Orbem
 Sola hominis Natura capit? Nónne alta rotundi
 Arx capitis, tibi supremam Jovis exhibet arcem? 15

Nimirum ut rutili fedet alto in culmine mundi
 Omnipotens, pulchrâ Divum stipante coronâ,
 Aligerúmque choro; queis summa capeßere iussâ,
 Æterníque datum est nutus deferre Tonantis.

Sic, caput humanum, nitidi Mens ætheris aura 20
 Incolit: huic adstant sensus: huic plurima gaudet
 Spirituum servire cohors, artúsque movere;

Et totum æthereo perfundere lumine corpus.
 Quis neget è medio radiantem pectore Solem,
 Cor alium vitæ fidus; quo membra foveantur 25

Omnia, cœlestíque vigent recreata calore?
 Nónne ut candenti nonnunquam exæstuat igne,
 Subjectásque urit terras accensus Apollo:

Sic

Sic etiam ignitâ si quando ebulliet irâ
 Cor hominis, calidô-ve furens ardebit amore.
 Continud effuso corpus torrebitur æstu?
 Quid loquar, ut pelago mixtam Telluris opacæ
 Colluviem referat fœcunda humoribus alvus; 5
 Unde vapor flatûsque frequens prorumpat in omne,
 Pectoris & capitis spatium; pluvixque solutæ
 In morem, toti madeant fudoribus artus?
 Ceu nubes cœlo obtensæ, velamine crebro,
 Phœbeos adimunt radios, & lumina condunt; 10
 Sic sæpe obscuros fundente abdomine nimbos,
 Ingenito splendori animi, nox incubat atra;
 Donec discussâ redeat caligine lumen,
 Humanoque jubar nitidum reddatur Glympto.

At verò omne feret punctum, si se quoque norit 15
 Mens hominis; nil quippe ipsâ pretiosius usquam est.
 Hæc est vera Dei effigies, ignobilis expers
 Materiæ, fati victrix & nescia mortis.
 Hæc effusa licet per totos corporis artus
 Crassam agitet molem, tamen impermixta cohæret; 20
 Et rerum abstractas species, generumque latentes
 Naturas, in se reflexo lumine cernit.
 Sic quamquam assiduo moveat moderamine mundum
 Omnipotens, totumque almis concursibus Orbem
 Sustineat, rerumque vices & tempora mutet; 25
 Se tamen æternum, proprioque decore coruscum
 Suspicit, immensoque nitens fulgore triumphat.
 Ergo immortalem quum se Mens æmula Divum

Noverit,

Noverit, an celsum non affectaret Olympum?
 An foedis terræ illecebris correpta, caducas
 Sectaretur opes; vani vel inania sensus
 Gaudia, vel stolidos mundi fallacis honores?
 An-non virtutes potiùs conatibus æquis 5
 Indefessa colat, vitiorùmque agmina frangat?
 Nam si æterna manent sceleratas Tartara mentes;
 Et contrà æthereis succedunt candida campis
 Pectora, quis dubitet justos acquirere mores?
 Quem non delectet solers Prudentia, honestum 10
 Vestigare habilis, rectùmque insistere callem?
 Quis non despiciat Venerisq̃ gulæque pudendas
 Delicias? quis non invicto robore diros
 Contemnat Fortunæ ictus, Fatique procellas?
 Paupertas; sævusq̃ Dolor; plebisq̃ Cachinnus; 15
 Ortum Virtuti, jucundaque pabula præbent:
 Quoque magis premitur Sapiens, magis inde resurgit.
 Sed quia non satis est, propriâ virtute decorum
 Fulgere, & superûm vitam, sedesque mereri:
 Te quoque proficuum Patriæ; te civibus aptum 20
 Redde tuis, animùmque ad publica commoda confer.
 Nónne animal civile audis, cui mutua cura,
 Officiisque pii communis convenit usus?
 Quum tamen haud homines studia omnes omnia tangant;
 Nec grave sit placito juvenem indulgere labori, 25
 Consule nativum Genium: & seu Pacis amœnas,
 Seu minùs optandas Martis delegeris Artes.
 (Nam plerumque armis fas est sua jura tueri)

His te agilem accingas; primo dum flore juventæ
Membra vigent, firmúmque micat sub pectore robur.
Sed caveas ne dum Mavortiaigna sequeris,

In pravos mores flexu labaris iniquo,
Bellicæque ingenuam corrumpant crimina mentem. 5

In Bello præceps vitium stat: vixque furentem
Temperat à noxis animum furialis Enyo.

Atque ideo insanam ne inducat Thracius ardor
Barbariem, quâ miles iners vecórque ferocem
Pallada, nusquam ullâ Musæ dulcedine lenit; 10

Tu placidis studiis immania dilue corda,
Et tener immiti Marti jungatur Apollo.

Ut demum validæ laudanda peritia Menti
Accedat, pulchrísque animum virtutibus ornes;
Te juvenem peregrè varias invisere terras, 15
Diversósque hominum Genios, diversaque regna
Observare velim, ut memori hæc sub mente reponas,
Ante genus quàm tu instituas vitæque tenorem.
Nam quum quæque suos habeat Provincia mores,
Quæque suum gens ingenium; te cuncta sagacem 20
Explorare juvat; ritus, habitúsque locorum;
Quod cunctis vitium Populis, quæque insita virtus.

Sic ubi, transmissis invises Alpibus, almam
Italiam, gemino pelagi munimine tutam;
Hic rerum quondam Dominam, latóque potentem 25
Imperio, nunc fractam imbelli robore Romam
Invenies, solâ se Relligione tuentem.
Hic Latius miles torpens, & Martis aviti

Immemor,

Immemor, ignavâ compostus Pace quiescit.

Quæ tamen eximium præfert veneranda cadaver;

Quæque tot Heros rutilis URBIS addidit Astris,

Haud omni quassâ prorsûs virtute fatiscit.

Romuleum quandoque solum, quo femine Divo 5

Turget adhuc, sæclis præclara exempla futuris

Parturit, ingentes Animas; queis deditus Orbis

Cedat, & immensi volvatur machina Mundi.

Sic qui hodie nostris præluet JULIUS oris,

Ausoniæ rutilans jubar & Romana propago, 10

SCIPIADÆ quos ambo olim, FABIIQUE invictos

Monstravere animos, uno de pectore promit.

Non illum frangit rabies pugnacis IBERI,

Iræque foeta odiis. Non illætabilis Orci

Spiritus, aut sævos in mutua vulnera Gallos 15

Tisiphone exagitans: non atris tetra colubris

Invidia impavidum potuit convellere; diro

Quin sua dente secans incassum viscera rodit.

Quódq; magis mirere; suos quum, vindice dextrâ,

Conterere osores queat, his ignoscere lenis 20

JULIUS, Æneadæque alto cum nomine IULI

Jungere mitem animum, mansuetâq; pectora gaudet.

Cætera sed variis deget quæ subdita sceptris

Itala Gens, audax robur, priscumque vigorem

Exuit; huic superest vafra solertia mentis; 25

Ingenium blandiri habile, & sapientia miris

Mixta modis, suavisque potens facundia linguæ.

Interea ad cunctas aptum sese Italus Artes

68 CLAUDII QUILLETT

Ostendit. Sapi in multis, votóque tenaci,
 Quæ cupit, insequitur patiens nec inania captat.
 Non hunc spes longæ absterrent, longique laboris
 Tædia; non diræ quatit inclementia fortis.
 Providus & frugi rerum dispendia vitat, 5
 Fortunámque regit; felix industria nomen
 Italicum passim celebrat, gratúmque Camœnis
 Ingenium, & Phœbum non dedignantia corda.
 Exinde Occiduum si perges visere Iberum;
 Acre Hominum genus occurret; fortissima bello 10
 Pectora, quæ totam cupiunt sua sub juga mitti
 Europam, insanâ necdum ambitione quiescunt.
 Quin etiam immensum dum subdere cogitat Orbem
 Hesperia imperio flagrans; quot adire labores
 Gaudet, ut ingentes animos ingentibus ausis 15
 Impleat, & Regnis nondum exsaturata triumphet?
 Non hanc Oceani rabies; non altera mundi
 Sidera, & ignoto reboantes æquore venti;
 Non fitis, immanisque fames desistere magnis
 Inceptis, votisque modos imponere cogunt: 20
 Tantus amor Sceptri, tantæ dominatio curæ!
 Interea immodici Regni dum cæca cupido
 Hispanos agitat; placitis parere severæ
 Militiæ faciles, submissâ mente capeffunt
 Jussâ Ducum; tetricâsque minas nutusque verentur. 25
 Hoc igitur robur constans, hæc Martia gentis
 Temperies, haud ruris amans invertere glebas;
 Aut ferere, aut lætas ulmis adjungere vites

Con-

Conspicitur: sed tota viris omni arte domandis
 Incumbens, enssem gestit præferre ligoni.
 Nec tantum bello insignes spectabis Iberos;
 Consiliis sed præcipuos; altèque silentes
 Quæ cupiunt, tacitòque prementes pectore vota. 5
 Imò & sæpe sacrum dum Relligionis honorem
 Prætendunt cœptis, adduntque ad crimina Divos,
 Plebeiam illudunt turbam; vulgíque profani
 Obtusas sanctâ replent caligine mentes.
 Præterea inflatis Hispana superbia buccis 10
 Obtundit patulas tumidis sermonibus aures,
 Exterâque aspernans naso suspendit adunco:
 Unde tumorem oris vani, ampullatâque verba
 Quis ferat, insano dare pondus idonea fumo?
 Si deinde è calidis remeans regionibus altos 15
 Pyrenæi apices peragras, Gallósque revisis,
 Hi pro more leves subeunt, animoque feroces:
 Omnis & officii immemores, bene vel male facta
 Vix animo recolunt, irâ-ve ultrice rependunt.
 Huic tamen innatæ levitati Martia virtus 20
 Jungitur, & nullis audacia fracta periclis.
 O quoties subito tremuit perculsa timore
 Roma potens, quum per Latios se funderet agros
 Indomitus, rapidòque crumpens impete Gallus!
 Quid Celtis eversum Asiam, Libyâque recantem, 25
 Totque triumphatas Eoa ad littora gentes?
 Omnia jam celebrata; sed acri Marte furentes
 Vix possunt Galli rebus durare secundis.

Sæpius & pulchris infelix exitus orsis
 Succedit, perdîtque omnes mens læva triumphos.
 Sive quòd intrepidæ violenta ferocia Gentis
 Haud perstare diu valeat; seu quòd nimis hostem
 Contemnens domitum, molli lasciviat æstu. 5
 Sive quòd instabiles animi sese ad nova semper
 Promoveant, partâsque finant arefcere Laurus.
 Interea Reges, ceu numina sacra, verentur
 Addicti imperiis Franci; nec ferre recusant
 Quidquid subjectos jubeat Diis æqua Potestas: 10
 Unde hîc regnatur verè, nec ubique locorum
 Regia Majestas folio magis emicat alto.
 Hîc placitum pro jure datur: pro lege voluntas
 Sola tonat: puerique interdum debile nomen
 Inviçtis succedit Avis, populósque coërcet. 15

Quid loquar ut blandis Gallâ excipiantur in Aulâ
 Hospitiis, quos lugendos fors improba vexat?
 Gallia in externos totis expanditur ulnis.
 Imò alienigenas, aptum queis rebus agendis
 Contigit ingenium, & rerum prudentia solers, 20
 Consilii in partes summas, arcanâque Regni
 Adsciscit, meritósque excelsò donat honore.
 Sic qui nunc placido flectit moderamine Gallos,
 Romanus Latio Princeps spectabilis ostro,
 Quàm dulci exceptus gremio! sed quanta rependit 25
 Munera, dum firmis Gallum cervicibus orbem
 Sustentat novus Alcides, clavâque tremendus
 Victrici, Hispani Geryonis ora retundit?

Nec

Nec tantum urbanâ se consuetudine Gallus
 Commendat, vultuque hilari, & dulcedine morum;
 Seria sed lepidis grato moderamine miscens,
 Artibus ingenuis Musas, Sophiamque Camœnis
 Jungit, & abstrusum nihil intactumque relinquit. 5
 Attica facundis quidquid Sapientia chartis
 Protulit; Aoniæ quidquid cecinere Sorores;
 Quidquid & Ausonii Tiberina ad flumina Vates
 Romuleis dixere modis, citharâque tubâque;
 Omnia pernoctis Galli, æquatique canendo: 10
 Quippe etiam eximiæ vestro modulamine Musæ
 Æmula Cecropii resonant, Latique leporis
 Carmina, & arguto mulcent præcordia cantu.

Inde Caletani si trajicis æquora ponti;
 Anglos immanes, Regumque à cæde cruentos 15
 Repperies; plebem effrænem, sanctisque rebellem
 Legibus, & variâ cum Relligione furentem.
 Unusquisque sibi Vates; sibi quisque Sacerdos
 Hic audit proprium Genium, sequiturque protervè;
 Proque animi libito Superis imponit honorem. 20
 Sæpius hinc iræ & lacrymæ, dum somnia jactat
 Quisque sua, & stricto defendit credita ferro.
 Nec tantum veteres ritus, cultusque Deorum
 Contemerare novis gaudent erroribus Angli:
 Hos etiam in reliquis insana protervia ducit: 25
 Et si qua antiquas convellat opinio mentes,
 Hanc subito arripiunt, & toto pectore firmant.
 Nec tamen omni laude carent; hos nautica virtus

Ornat,

Ornat, & immensi divina peritia Ponti.
 Non Anglum Tiphys superet; non fortis Iason;
 Non quemcumque tulit velis audacibus Argo.

Quid referam angusto divisos æquore Belgas,
 Non Celtis multum absimiles; nisi regia sceptrâ 5
 Odissent, carâ pro libertate feroces?

Te quoque non pigeat Germanam invisere gentem:
 Huic alti decus Imperii, Romanâque cessit
 Gloria, & intrepidis Aquilis fulgentia signa.
 Huic colitur sincera fides: huic callida mentis 10
 Vafrities, agilisque animi versutia fallax
 Displicet, & varios quærens Prudentia gyros.
 Sive quod argenti, densoque sub aëre natis
 Germanis, haud ingenium contingat acutum.
 Sive quod ingluvie crebrâ, nimioque Lyæo 15
 Turgidula obtundant temulentam viscera mentem.
 Quippe his egregium est pateras haurire capaces,
 Impleri que mero; non his inhonesta videtur
 Ebrietas: imò unanimi si pectore gaudent
 Fœdera percutere, & fociales jungere dextras, 20
 Lenæo indulgent; per mutua pocula sanctæ
 Pignora amicitiae tradunt; pluresque bibendo
 Siccantem calices sequitur fiducia major.
 Talia Sileni celebrant Orgia quondam,
 Inflati, ut semper, fumanti abdomen Iaccho, 25
 Atque dapas inter dulces læto ore canebant.
 Nec tamen immodicos implens Germania ventres
 Omnem animum extinxit: quædam pars inclyta Gentis,

Inge-

Ingeniôque potens, mirandas extudit artes.
 Quis nescit diri resonantia fulmina Martis
 Germanâ fabricata manu? graphicâsque typorum
 Inventas Rhēni famosâ ad flumina formas;
 Doctorum queis scripta virûm, pretiosâque Musis 5
 Carmina, venturos durant servata per annos?
 Nec fileam ut studiis Bellonæ asperrima corda
 Teutonicæ gentis, gratâ vix pace quiescant.
 Otia quippe suas cernant si involvere terras;
 Finitimi in partem belli concedere malunt, 10
 Quàm placidâ torpere manu, lentôque veterno.
 Hinc apud externos passim stipendia quærunt,
 Nec pudet, ut pugnent, armatas vendere dextras.

Te demum Danos vellem, & novissē Polonos,
 Indomitôsq̃ue Getas; nec enim farraca Bootæ 15
 Pigra vetant, gelidâ Musas habitare sub Arcto.

Sed forsan tot adire plagas, tot dissita regna
 Lustrare, & varios populorum expendere mores
 Vix poteris, nimiûmque viæ perferre laborem.
 Nimirum validos artus cum sorte benignâ 20
 Hunc habuisse opus est, qui tot pervadere tractus
 Sustineat, terrisq̃ue diu jactetur & alto.

Quin etiam quum jam matura accesserit ætas,
 Ferventēmq̃ue animus peregrè sedaverit æstum;
 Sistere tunc gressum; civili munere fungi 25
 Convenit; & stabili tandem se tradere vitæ.

Ergo tibi vario quidquid didicisse labore
 Contigerit, perpende lubens; vitiisq̃ue fugatis,

Quas, apud externas gentes, spectaveris usu
 Illustres tu virtutes amplectere solers;
 Conspiciuūque ex his animi compone decorem.
 Sic ubi mellis opus, lætis in saltibus Hyblæ,
 Aëriæ meditantur apes; per florida passim 5
 Rura volant; violas, tymbram, casiāmque, thymūmque
 Exfugunt, fusosque bono de fidere rores;
 Ut placidas dulci distendant Nectare cellas.

Intereā reliquos vitæ dum transigis annos;
 Ne decor ingenitus, mentisq̃ue adscita venustas 10
 Dispereat; tu clarorum monumenta virorum
 Alternis horis relege; ut quæ multa vagantem
 Haud subiere animum jucunda per otia discas.
 Præcipuè Historicis quæ sunt insignia chartis
 Magnorum seu facta Ducum; seu dicta Sophorum; 15
 Seu positus tibi non visos coelique solique;
 Cæteraque ingenuis quæ lucem mentibus addunt.

Denique colloquiis Hominum te semper honestis
 Misceri, me auctore juvat; Nam se quoque Virtus
 Nonnunquam contage bonâ per amica propagat 20
 Pectora, & optandi veneranda scientia Veri.

Quis tamen hîc fileat Magnatum improvida passim
 Corda Patrum, qui infensa suis consortia Natis
 Haud animadvertunt, sed libertatis habenis
 Effusis, quoscumque sinunt discrimine nullo, 25
 Et pravos plerumque sibi sociare sodales.
 Nam simul ut se Patritius depromet Ephebus,
 Inque Hominum coetus dabit, excutiétque Magistros;

Ne

Ne speres ipsum veræ Virtutis Alumnos
Culturum: Scurræ, Ganeones, Alea, Scorta
Hunc rapient; teneroque animo per lubrica ducto,
Incautum tristi vitiorum gurgite mergent.

Nec tantum exuitur generoso pectus Honesto: 5

Ipsam etiam Pulchri mentem penetralia Veri
Indagare vetant, cæcamque ad devia flectunt.

Ad mensas, ubi se facilem misceret, amica

Pocula per lætâsque dapes, minus aspera Virtus,

Indocti accumbunt Parasiti; sordida turba 10

Assentatorum; sapida hic obsonia laudat:

Hic stupet ad lautas epulas: hic, turpe voracis

Gutturis exemplum, pleno se proluit auro

Spumantis pateræ, Bacchumque ad sidera tollit.

Alter Ventre minor, nec strenuus Helluo, mollem 15

Commendat Venerem, blandosque Cupidinis ignes:

Ingenuam Domini florente ætate juventam

Ad scelus incendit. Culta (inquit) molle Puella

O Rex subrisit tibi. An hanc fastidit Amantem

Cor juvenis? nec jucundo indulgebit Amori? 20

Tu tibi quod satis est sapi: ærumnosa Solonum

Consilia & tetricos felix contemne Catones.

Hi sunt Convivæ: hic de rebus inanibus omnis

Sermo; de recto nihil est quod scire laborent.

Talibus instanti dictis, & plura paranti 25

Dicere; quæ patulas circum vox adsonat Aures?

Quæ facies fulgore novo radiantia spargit

Lumina, & Ambrosiis perfundit odoribus auras?

76 CLAUDII QUILLETI

Calliopen video, specie nec fallor inani,
Ut comi gravitate nitens, blandoque pudore
Nobilis! ut miro incessu Dea vera patefcit!

Quid me, Diva, tuo adventu dignaris? an istud
Quod cecini carmen te Pindi è vertice duxit,
Ut mea conspicuâ præcingas tempora Lauro?

Perge, ait, & pulchræ quæ sunt addenda Camœnæ
Accipe, téque novo repleti numine gaude.
Non fatis est homines vivendi legibus æquis
Instituisse mares, animúmque ornasse virilem:
Fœmina cui grato Naturæ munere major
Ore decor, lepidæque data est præstantia formæ;
Ipsa etiam propriæ mentis rescire venusta
Ornamenta cupit, propriósq; agnoscere mores.
Et quia formosâ specie, sexúque benigno
Gaudemus Divæ Aonides; & congrua nobis
Munia, Virginibúsq; aptas pernovimus artes;
Has non dedigner facili tibi pandere versu.

Inprimis non tam crassò muliebria corda
Ficta luto, aut lævam sortita est fœmina mentem,
Quin pulchris etiam studiis fit idonea; cæcum
Quis ferat errorem, quo non licet esse peritis
Virginibus, Verique altas inquirere causas?
Nempe his innatæ lumen Rationis adeptum
Cur fuerit? Cur humanæ vis insita menti
In pulchro sexu sic extenuata fatiscat?
Dii tantum vetuere nefas; nec solus Apollo
Artibus ingenuis habilis. Tritonia Pallas

Has

Has quoque, & Aoniæ norunt, pia turba, Sorores.

Quæ tamen (ô Gallæ gentis vecordia!) Princeps
Nos colit hic mulier? tecum ô Vallesia proles
Fœminei omne decus sexus; tecum occidit omnis
Ingenii muliebris honos; nec discere quidquam,
Quod decoret mentem, Gallarum ignavia curat.

Ergo ad Hyperboreum tandem migrabimus axem;
Concretâsque gelu terras; hîc magna Getarum
Regina, exosas hac tempestate Camœnas
Excipit: hæc nostras lauros miscere paternis
Gaudet, & innocuas Marti succedere Musas.
O fati abstrusas leges! ô mira Deorum
Consilia! eximias quæ quondam everterat Artes
Barbara Gens, doctûmque furens turbaverat Orbem:
Nunc, versis rerum vicibus, mitescit amoeno
Ingenio, & tantæ studiis sapit Heroïnæ.

Vos modò Gallarum nuruum densissima turba,
Si minùs ad claras animos advertitis Artes,
Este bonæ saltem, & castum servate pudorem.
Vos dum accurato texetis pollice lanas;
Aut facilem ducetis acum; fusôs-ve, colûs-ve
Mobilibus digitis, vilique agitabitis usu;
Æmula corda piis saltem retinete Sabinis.
Quis ferat obscœnos mores, meretriciâque ora
Lâidis, aut fœdâ turpem prurigine Floram?
Quis molles laudet risus, oculôsque trementes,
Aut voces nimium blandas, aut verba pudenda;
Cætera queis pulchri sexus violatur honestas?

Ipsa

78 CLAUDII QUILLETI

Ipſa quidem ætherco Psyche ſpectanda decore,
Talibus haud uſa illecebris corruptit Amorem:
Moribus at pulchris animi, caſtôque lepore,
Non illaudatos accendit amabilis ignes.

Dixit, & in tenues actutum evanuit auras, 5
Mêque levi confuſum abitu, triftémque reliquit.
O Dea, ſi placido te compellare liceret
Alloquio, alterniſque mihi rationibus uti;
Quàm te ego præſtanti vellem ſermone morari!
Tu mihi quæ pulchrum Virtus Heroica Regem 10
Reddat: tu celſam regali in corpore mentem,
Regnandique bonas artes, ſupremaque jura
Differeres, altôſque animos & Regia corda;
Quæ Divo canerem juveni, quem Gallia Pulchrum
Regnatorem amat, & folio veneratur avito. 15
Huic tua dum cultis divina effata referrem
Carminibus; quâque arte ſuis evaderet uſque
Dilectus populis, & amandâ forte beatus;
Forſitan ad noſtros cantus adverteret aures,
Exciperétque lubens gratæ modulamina Muſæ. 20

Quæ tamen hîc noſtram ſtolidâ imprudentia mentem
Abripit? An Princeps ſtreperis circumdatus armis
Audiant imbelles & amantes otia Muſas?

Scilicet imperiis totam dum effrænis Iberus
Appetet Europam, & lato graſſabitur orbe 25
Ambitione furens & iniquo fervidus æſtu,
In Bello labor omnis erit; ſolâque pharetrâ,
Non modulante lyrâ, Regi arridebit Apollo.

Ergo

Ergo ô Calliope valeas; nec me facer ultra
Ardor agat, sanctumque vicens in pectore Numen.

Tempus erit. (diras nec ferius impia nec tent
Fata moras) quo tandem odiis saturata cruentis
Hesperia, & sævo nequicquam exercita Marte, 5
Consilia in melius referet, Pacemque rogabit,
Quam pius oranti Gallus non abnuet Heros.

Tunc procul omnis erit Belli furor. Occidet omnis
Effera vis animi, Regni que insana Cupido.

Tunc quoque conspicuæ foliis redimitus olivæ, 10
Musarum adveniente choro, LODOICUS amicè
Occurret; gaudensque altas inducet in Ædes,
Aonidæque Deas, sacrorumque Agmina Vatum.

O quàm sublimi resonabunt Regia plausu
Atria! quàm dulces modulò læta audiet Aula! 15
Ferales causas, longique exordia Belli,

Quo per bis denos furiis immanibus annos
Gallicus Hispano miscetur sanguine sanguis;
Et lati horrescunt diverso milite campi;

Innumeras classes; constratum puppibus æquor; 20
Præliæque, eversæque urbes, terræque marique;
Et passim alternos utraque è parte triumphos;
Mæonio elata execrabitur ore Camœna.

Mox tamen ut tantas strages meminisse pigebit,
Attonitæque frement bellaci carmine mentes; 25
Continuò dulci succedet pectine blanda

Euterpe, & lætos Pacis celebrabit honores;
Suadebitque choros & amœna gaudia vitæ.

80 CL. QUILL. CALLIP. LIB. IV.

Liber, & alma Ceres, plenis cumulata canistris
 Dona ferent, pingues reliquis cum fructibus uvas;
 Turgidâque infuso fervebunt dolia musto.
 Tunc demum Pulchram facili quam pangimus Artem
 Carmine, gaudebunt Pulchri exercere nepotes; 5
 Blandâque legitimo crebrescent basia nexu.

Sic postquam æthereos jaculatus Juppiter ignes,
 Immanem Enceladum, Cœum, torvumque Typhæum,
 Et conjuratos in Olympia culmina fratres,
 Disjecit tostos, Ætnæisque obruit antris; 10
 Protinus Aonias Superi excepere Sorores;
 Magnâque jucundo sonuit victoria cantu:
 Læta serenato plauferunt Numina cœlo:
 Ambrosiæ rediere dapes, & Nectaris haustus
 Egregii: Divæ divis amplexibus ulnæ 15
 Miscentur, celsumque hilarat Pax aurea mundum.

F I N I S.



EJUSDEM CLAUDII
QUILLETI

A D

E U D O X U M

EPISTOLA.

THE NEW YORK

LIBRARY

OF THE

ALBANY



A D

EUDOXUM

EPISTOLA.

*Hanc scripsit, jam à decem circiter annis, ad
Hominem Aulicum, cujus verum nomen,
fictitio substituto, hîc lubens omittit.*



LAMINIUM tenue, & modico gra-
tissima censu

Commoda jamdudum optantur: sed,
numine duro,

Me fugiunt; dulcémque vetor tradu-
cere vitam.

Ergo humiles, EUDOXE, lares, urbanâque tecta
Quum colere, & placidæ libeat me tradere Musæ,
Dum tamen infestum mutet Fortuna tenorem,
Quid facili scribam calamo, aut sermone pedestri?

Non me cæcus Amor; non auri sacra cupido
Occupat. Ad summas rerum nec spero vocari
Nec valeo; quis tantæ ausit se credere moli?

84 CLAUDII QUILETI

Res geris Imperii; tibi protinus anxia mens est:

Te simul invadunt sexcenta negotia: noctes

Insomnes ducis; superest tibi nulla voluptas.

Frigidus emanet rumor, jam sæpe negata

Fœdera cum Hispanis tandem sanxisse Batavos,

Sancitumque diu nobiscum abrumpere fœdus;

Displicet hoc. Bavarum infidum corruperit hostis

Austriacus; veteremque fidem Germania spernat;

Hoc nocet, hoc felli est. Thufcorum ad littora frustra

Pugnarint nostræ puppes, reditumque fugaci

Proh pudor! oppidulum longâ obsidione levarint;

Hoc cruciat pectus, speratâque gaudia vertit.

Occiderit duro juvenis spectabilis ictu,

Deliciæ Patris atque Nurus; mox impia bella

Damnantur: sævum clamant per compita Martem

Vecordes Animæ; dirisque oneratur iniquis,

Ardua qui summi sedet ad moderamina sceptri.

Annua si crescunt, Populo frendente, tributa:

Si sua quisque dolet, longi in dispendia belli,

Absumi; pavor exoritur ne fortè coorta

Seditio, infano moveat fera corda furore,

Accensique ruant in mutua vulnera cives.

Quid varia invidiæ memorem molimina? sævas

Percutiendi Artes? & cæco infecta veneno

Pabula, queis petitur Regni qui sustinet Orbem?

O miseras Hominum curas! discrimina tanta,

Pendentisque auratis è laquearibus Enses

Suspiciamus, nec nos prærupta cacumina terrent!

Quàm

Quàm magis optanda est placidæ constantia Mentis,
 Quæ spernens Mundi phaleras & inania, solis
 Se miscet superis, summumque affectat Olympum!
 Hæc modico contenta, nec obruta pondere rerum
 Despicit infernas sedes, seque inserit Astris.
 Hæc simul Eois rutilum capit exerit undis
 Phœbus, & æthereo perfundit lumine terras,
 Inprimis venerari Hominum Divumque Parentem
 Gaudet, & illæfos Aris persolvit honores.
 Tum nostræ recolens FIDEI Mysteria sacra,
 Humani Capitis lapsum, Generisque redempti
 Abstrusum miratur opus; decretaque summa
 Suspicit, heu! nostrum longè superantia captum.

Dein tanto emersi pelago, pulcherrima Mundi
 Machina spectatur. Pugnas Elementa perennes
 Ut renouent. Ut sublimem distincta per Orbem
 Astra vices rerum, foecundaque tempora mutant.
 Ut Tellus se Vere novo tepefacta resolvat
 In flores, suavique animas perfundat odore.
 Ut Sol maturet radiis Cerealia dona,
 Et coquat arboreos æstivâ lampade fœtus.
 Ut fluat Autumno tumidis expressâ racemis,
 Nectareoque cados repleat Vindemia succo;
 Qui vitæ ærumnas, hybernâque frigora lenis
 Molliat, & dulcem stillat per membra soporem;
 Dum ruet infans Boreas, conceptaque terrâ
 Semina, concretâ glacie nivibusque fovebit.

Hæc inter, summum agnoscit splendescere Numen,

Quod

Quod tulit has leges, æternoque ordine servat;
 Antiquus donec ruptâ compagine Mundus
 Dispereat, suâque interitu primordia monstret.

Nec se sistit in his Animus per singula velox;
 Sed peregré excurrrens, latum se pandit in Orbem.
 Æquoris innumeros cives, genus omne natantum
 Miratur; pictas volucres; horrenda ferarum
 Corpora; regnantésque Hominis super omnia vires.
 Dignior an nostram capiat meditatio mentem?
 An me Hominem magis esse probem ratione potentem?
 Præcipuè radiis animi si me quoque lustro;
 Humanæque decus Naturæ & nobile munus
 Sustineo fortis, vitiorúmque agmina frango?
 Ecquis enim vigor est Hominis? quæ gloria? si dum
 Cuncta suis premit imperiis animalia, vix se
 Dirigat, & turpis fugiat contagia sæcli?
 His ego me tandem, senioris robore mentis,
 Ereptum scopulis, placidóque in littore fufum
 Lætor, & appulsæ telluri basia figo.

Sensi equidem (nec adhuc lapsæ me oblivio vitæ
 Perculit) infesto jactatum turbine pectus.
 Sensi incompósitos Naturæ exurgere motus,
 Et pravum teneræ Rationi obfistere Sensum;
 Dum calor indomitus, male-sanæ in flore juventæ,
 Fervidiore jecur torreret sanguinis æstu.
 Et mihi, pro modulo ingenii, civilia quædam
 Pertractare animus fuerat; ne inglorius ævum
 Transfigerem, pigros venerans sine laude Penates.

Sed

Sed postquam immaturi animi vis aspera cessit;
Humorúmque acer quondam deferbuit ignis;
Innocuas amo delicias, doctámque quietem.

O fortunatam fortem! ô solatia mentis
Ingenuæ, & dulcem post tot discrimina portum!

Ne tamen obtusum me ita credas, ut mea solum
Otia, & ignavam laudem super omnia vitam.

Non in Aristippi juravi sensa magistri,
Qui sapit in latebris, seque à civilibus arcet.
Sunt quibus è meliore luto præcordia Titan
Finxit, & egregias regnandi contulit Artes.

Hos nolim lentâ vacuos recubare sub umbrâ;
Ingenitúmque ipsis animi torpescere robur.

Gloria quippe Hominis summa est, si non sibi soli
Se natum ostendat; sed munia magna capeffens.
Utilibus latum foveat Virtutibus orbem.

O Galli! ô nobis quot clara trophæa; quot urbes,
Quot victi latè populi; quot regna deessent;
Si & curas, operámque suam, mentémque negasset

JULIUS Aufonii decus immortale Senatus!

Hic quo consilii præcellit robore! quâ vi
Cordis agit, celsâ dum prudens degit in Aulâ,
Effrænémque acris rabiem compefcit Iberi!

Sed qui tanta gerant pauci, quos æquus amavit
Juppiter, occurrunt. Non omnis Mens rotat orbem
Cœlestes. Alcide opus est si machina Mundi
Gestanda; aut sævis Tellus redimenda Tyrannis.

Interea quibus ingenuo sub pectore spirant

Additi

88 CL. QUILL. AD EUD. EPIST.

Addicti Musis Animi, tranquillâque Virtus;
 Despicere insanas curas, hominûmque labores
 Præstat, & æternûm virides decerpere lauros:
 Scilicet Aonidum gemino quæ vertice florent,
 Conspicuâque ornant redimitos tempora fronde;
 Quæque diu Heroum pulcherrima nomina servant,
 Et duraturam tradunt per sæcula vitam.

Has igitur pro more colas; has rore benigno
 Usque, EUDOXE, riges. Suadet fator almus Apollo:
 Pierides suadent Divæ; tibique insita Virtus.



E J U S D E M,

I N O B I T U

PETRI GASSENDI

I N S I G N I S P H I L O S O P H I

A S T R O N O M I,

LUGUBRE ENCOMIUM.



IN OBITU
PETRI GASSENDI
 INSIGNIS PHILOSOPHI
 ASTRONOMI
 LUGUBRE ENCOMIUM.



UGETE Aonides; túque ò pulcher-
 rima Pindi

Uranie largis fletibus ora riga.

Conspicuas lacerata genas, effusa ca-
 pillos

Plange; sonent mœstis fidera pulsa
 modis.

Ille tuus GASSENDUS obit, tua maxima cura

Gassendus, studii gloria summa tui:

Gassendus tam fida tibi qui præstitit usque

Obsequia, æthereâ mente fidelis Amans.

Ah quoties bifidi vigilem te in vertice montis
 Miratus, noctis frigora dura tulit!
 Sidereos quoties tecum dum fuspicit orbes,
 Atque altum-sapiens tollit ad Astra caput,
 Immites sensit brumas, vernósque tepores,
 Noctivagæque facem lumináque uda Deæ!
 His crebris tandem studiis succumbit anhelus
 Gassendus; tanto victus amore perit.
 Quippe altas rerum causas, mundíque perennes
 Acri vestigat dum ratione vices;
 Corporeæ tanto languent conamine vires,
 Pectoráque assiduo fessâ labore gemunt.
 Hinc obit; & corpus mens aspernata caducum
 Deferit optato restituenda polo.
 Ergo tuo Uranie nimiùm dum carpitur igni
 GASSENDUS, tristi funere fata subit.
 Sed quid ego Aoniam lugens incuso sororem?
 Quid querulis Elegis te, Dea pulchra, peto?
 Ille Hominum fâtor omnípotens, verúsque Prometheus,
 Gassendum nobis qui dedit, ille rapit.
 Hunc rapit, & merito felicem donat Olympo;
 Huic dat & æthereo cominùs orbe frui.
 Quas Superûm æternas sedes; quæ lucida longo
 Gassendus studio quæsiit, Astra tenet.
 Quas rerum causas rebus scrutatus in ipsis,
 Has demùm in summo conspicit Archetypo.
 O Divûm mensis sedeat quis dignior usquam!
 Quis melior cœlum promervisse queat?

Ille indefessus veri fervator & æqui,
 Præluxit cunctis simplicitate Sophis,
 Simplicitate quidem sanctâ, pietate peritâ,
 Et quam terrenus non violavit honos.
 Extremas quamvis famâ celebratus ad oras;
 Doctrinâ quamvis notus ubique suâ;
 Non ideo intumuit vanus: volitare per ora
 Dedignans, meritis laudibus erubuit.
 Otia conjunxit Musis, doctâmq; quietem,
 Et mores verâ Relligione pios.
 Huic tenuis census, modicæ gratissima vitæ
 Commoda, & insontes huic placuere lares.
 Novi equidem (rabidus quoniam petit optimalivor)
 Huic Bavium insanis obstrepuisse modis:
 Garrulus argutum graviter tulit Anser Olorem,
 Et raucos scedo miscuit ore sonos.
 Haud tamen iratas Gassendus reddere voces,
 Nec voluit diro bella fovere stylo:
 Ignovit strepero nebuloni, & temnere vanum
 Maluit, alternis quàm lacerare probris.
 Nimirum & calami & linguæ mala verba procacis,
 Gassendo semper displicuere bono.
 Huic magnos laudare viros fuit unica cura:
 Huic gratus doctos concelebrare labor.
 Testis es ô Salyæ PEIRESCI gloria terræ:
 Testis es ô Danûm lucida stella TYCHO:
 PURBACHIUS testis; testis COPERNICUS; & qui
 Monte à regali nobile nomen habet.

Illustres

94 CLAUDII QUIILETI

Illustres animæ, Sophiæ cœlestis Amantes,
 Uranies fidi, pectora sacra, proci:
 Ut vobis pulchros pius instauravit honores
 Gassendus! vita ut vos meliore beat!
 Vos Gassendæ ventura in sæcula chartæ
 Æternùm clarâ laude vigere dabunt.
 Intereâ nos eximii queis cernere docta
 Ora viri licuit, colloquîoque frui:
 Hujus solemni manes pietate colamus;
 Hujus & in tumultum florea messis eat.
 At tu ô MON-MORI veræ virtutis amator,
 Gassendi columen, præfidiûmque sôphi,
 Quicum præstantum dulcis consensio morum
 Firmarat sanctæ fœdus amicitia:
 Quandoquidem ille tuus dudum spectabilis hospes
 Sub laribus fudit verba suprema tuis,
 Consignata tibi pretiosa volumina, nobis
 Imperti, & sôphicis da potiunda scholis.
 Nobilis hæc te cura manet, te spectat amicus
 Hic labor, & tanto debita fama viro.
 Sic tua Gassendi comes addita gloria laudi,
 Lethæos spernet non peritura lacus.
 Sic pia Posteritas, & amantes pulchra nepotes,
 Persolvent curæ præmia digna tuæ.
 Tu verò ô nostræ decus immortale Camœnæ,
 O Gassendi animæ pars rediviva piæ,
 Æterno charum celebra CAPELANE sodalem
 Carmine, lugubri pectine tange chelyn.

Ille

IN OBIT. PET. GASS. ENCOM. 95

Ille inconcusso qui se tibi junxit amore,
Hæc animi poscit munera grata tui.
Ast ego cui notum seræ sub tempore vitæ
Gassendum infelix abstulit interitus,
Has moerens fundo lachrymas; & quod mea tristis
Musa potest, gemit his officiosa modis.
Gassendi duro tegitur sub marmore corpus;
Gassendi doctâ simplicitate pii.
Mens celsum è terris dudum suspexit Olympum;
Nunc eadem è celso despicit axe solum.



S U M-

SUMMA PRIVILEGII.

LUDOVICI XIV. Galliarum & Navar-
ræ Regis auctoritate cautum est ac prohibi-
tum, nequis in ejus universâ ditione hujus titu-
li librum: (CLAUDII QUILLETI Calli-
pædia, seu de Pulchræ Proles habendæ ratione
Poëma Didacticon auctum & recognitum) an-
te annos quinque, ab editionis primæ tempore in-
cepturos edat, exponat, edi exponive quoquo
modo aut ratione curet, nisi datâ sibi, ab eo-
dem Claudio Quilleto facultate. Vetitum pa-
riter est nequis, intra eorundem Regnorum fi-
nes, edat aut exponat, edi exponive imposteriorum
curet, librum, cui titulus est (Calvidii Læti
Callipædia, &c.) Lugduni Batavorum excu-
sum. Qui secus fecerit, exemplarium confisca-
tione, cæteris præterea, quæ in Regio diplomate
extant, gravibus pœnis multabitur. Ita placi-
tum Regi. Parisiis 1656. Signavit NOBLET.

Is verò CLAUDIUS QUILLETUS Ab-
bas Dudavillæus factam sibi à Rege potesta-
tem, Thomæ Joly, Parisiensi Bibliopolæ, in-
tegram sponte transmisit.

Absoluta est editio die 24. Aprilis 1656.

FINIS.

